

bosansko-hercegovački magazin



Europa

novembar 2010

Rezultati izbora u BiH: najviše glasova za SDP i SNSD

Kako je oslobođen Ilija Jurišić

Intervju: Sulejman Tihić

Putopis "Brzim preko Bosne": Modriča

ISSN 1939-3423



ADVOKATSKA KANCELARIJA

Aleksandra H. Bronsted

Attorney at Law



Porodično pravo/Divorce
Krivično pravo/Criminal Law
D.U.I

Osobne ozljede zadobivene:
Na radu/Workers' compensation
U saobraćajnim nesrećama/automobile accidents
Pri padu/slip and fall
Korišćenjem neispravnih proizvoda/product liability
Medicinske greške/medical malpractice

Aleksandra H. Bronsted, PC

6065 Lake Forrest Dr.
Suite 200
Atlanta, GA 30328
Phone: (770) 451-3818
Fax: (770) 451-3922



Prvi advokat u Atlanti sa kojim možete razgovarati na Vašem jeziku!

U ovom broju:

4 Komentar

Kolumna Kemala Kurspahića: "Duh ili slovo"

6 Bosna i Hercegovina

Rezultati izbora u BiH

16 Intervju

Sulejman Tihić: "Nećemo u vlast po svaku cijenu!"

20 Balkan

Kako je oslobođen Ilija Jurišić

22 Ekonomija

"Deutsche monopol"

24 Feljton

HAAG: Zapisnik sa suđenja Radovanu Karadžiću (5)

28 Reportaža

Putopis: Brzim preko Bosne (9)

32 Kultura

"Koga sada voli Angelina Jolie..."

35 Porodica

36 Sport

Intervju: Mehmed Meša Baždarević

38 Automobili

Pariški sajam automobila 2010

40 Estrada

41 Mozaik

42 Horoskop

43 Zabava

46 Oglasi



sadržaj



EUROPA MAGAZINE je partner Hayat TV za područje Sjeverne Amerike. Nudimo nevjerovatne cijene oglašavanja na najgledanijem satelitskom programu Hayata. Telefon: 678-985-0592 ili nam pošaljite e-mail na redakcija@europamagazine.info. Uvjerite se i sami. Reklamiranje na televiziji je pristupačnije nego što mislite!



“Duh” ili “slovo”?

Zlatka Lagumdžiju posljednji put sam sreo prije punih sedam godina, na svečanosti u Narodnom pozorištu povodom 60. godišnjice lista Oslobođenje, i tada je aktualna bila montirana afera o tome kako je navodno pripremao “državni udar”. U prolazu - rekao sam mu: “Javi kad sljedeći put budeš pripremao udar protiv ovakve države”. Njegova stranka (SDP) pokušala je demokratski “državni udar” na prošlim izborima i postigla je upadljiv napredak: imaće značajniju ulogu u formiranju nove vlasti na svim nivoima a njen kandidat - Željko Komšić - s daleko najviše glasova ponovo je biran u državno predsjedništvo.

Većina stranih posmatrača slaže se kako će izborni uspjeh socijaldemokrata, pa i prevaga dogovorima sklonije SDA nad Silajdžićevom Strankom za BiH među Bošnjacima, potaći obnavljanje reformskog procesa i ispunjavanje uslova za približavanje euroatlantskim integracijama. Kao što je već uobičajeno u razumijevanju i tumačenju bosanskohercegovačke stvarnosti, međunarodne procjene i domaći odjeci izbora bitno se razlikuju.

U međunarodnim gledanjima, prevladuje ocjena kako ishod izbora ukazuje na očekivanja javnosti da se najzad krene u reforme usmjerene na stvaranje eurokompatibilne funkcionalne države, iako ima i upozorenja kako nedjeljni rezultati odražavaju i duboke podjele: po tim procjenama, Bošnjaci su glasali za jačanje države - Srbi za jačanje svog entiteta - Hrvati za vlastiti “treći entitet”.

Izborni trijumf Željka Komšića pri tome se tumači iz dvije suprotstavljene perspektive: po jednim - to je primjer prevladavanja etničkih podjela, a po drugima - ilustracija njihove neminovnosti i čak produbljivanja. Situacija savršeno odslikava vječitu dilemu - u ovom slučaju političke prirode - o tome je li čaša poluprazna ili polupuna. Optimisti zapažaju kako to što je značajan dio bošnjačkog stanovništva radije dao glas probosanskom kandidatu za hrvatskog člana predsjedništva nego i verbalno najpatriotskijim bošnjačkim kandidatima ukazuje na to da je cjelovitost i

multietničnost Bosne i Hercegovine za njih značajnija od usko definisanog bošnjačkog nacionalnog interesa. Pesimisti upozoravaju kako to što su “Bošnjaci ponovo izabrali hrvatskog predstavnika” u Predsjedništvu dodatno osnažuje pritisak na dalju podjelu i formiranje “hrvatskog entiteta”.

Takvo tumačenje izbornog ishoda ovih dana upadljivo nameću i gubitnici na bošnjačkoj strani. Oni insinuiraju kako je SDP - s kandidaturom Željka Komšića - zapravo uskratio njima značajan broj glasova koji bi, navodno, dobili svojom verbalno radikalnom probosanskom orijentacijom, ma šta ona značila i koliko god bila razlogom potpune blokade bilo kakvog napretka u prethodne četiri godine. Na istoj su liniji i pobjednici u Republici Srpskoj: Dodiku naklonjeni mediji vide u Komšićevom trijumfu novi povod za dokazivanje “neodrživosti Bosne i Hercegovine” i “dokaz za uskraćivanje Hrvatima jednakih prava u federaciji”. Oni to uzimaju i kao primjer za zastrašivanje javnosti u vezi s “opasnostima unitarizacije” odnosno jačanja države.

Pri tome, kao što s nacionalističkom dioptrijom najčešće biva, potpuno previdaju i najočitiju logiku.

U vezi s Republikom Srpskom - najžešće se zalažu za “slovo Dejtonskog sporazuma” odnosno za njegovo provođenje “onako kako je napisano” (u čemu, naravno, ne bi bilo nikakve perspektive za najvažniji aspekt njihovog političkog projekta: podržavljenje entiteta). U vezi s federacijom - radije se oslanjaju na “duh” nego na “slovo Dejtona” jer nema nikakve sumnje o tome da je u slučaju kandidature i izbora Željka Komšića sve savršeno zakonito: dejtonski ustav, naime, govori o članu Predsjedništva “iz reda hrvatskog naroda” i nigdje ni u “slovu” ni u “duhu” ustava nema ničega po čemu Komšić ne bi ispunjavao taj kriterij.

Štaviše, to što se u slučaju Komšić pokazuje da građani Bosne i Hercegovine mogu glasati i izvan nasiljem i ustupcima “momcima s oružjem” nametnutih etničkih podjela, moglo bi se uzeti i kao - možda zakašnjeli ali ipak poučan - primjer kako je s malo više ustavnopravne kreativnosti bilo moguće uspostaviti uslove za funkcionalnije institucije na državnom nivou. U slučaju državnog predsjedništva, pošto njegove odluke - ili odsustvo saglasnosti i odlučivanja - pogađaju sve građane jednako, bilo bi logičnije i posljednje da se svi građani glasaju za sva tri člana, ili sva četiri kada se doda i predstavnik “ostalih”. To bi u znatnoj mjeri promijenilo i ton i fokus i kriterije izbornog procesa i najvjerovatnije eliminisalo ekstreme: teško da bi značajniji broj pripadnika bilo kog “konstitutivnog naroda” glasao za najekstremnije predstavnike drugih etničkih grupa i sami kandidati i partije morali bi voditi računa o tome da - ako se već kandiduju za državne funkcije - moraju doprinositi traženju rješenja prihvatljivih za sve.

Kemal Kurspahić
Radio Slobodna Evropa



U NEDJELJU DOBIVAMO 1 SAT!

Ne zaboravite da se u nedjelju, 7. novembra sat pomjera unazad zbog zimskog računanja vremena.

Tačno u 2 sata ujutro, vrijeme se pomjera na 1 sat, što znači da će ta noć biti duža za jedan sat.

Ovo važi samo za Ameriku, dok se sat u Evropi pomjerio već 31 oktobra.

PRODAJETE ILI KUPUJETE KUĆU?

Vi imate pitanja - ja imam odgovore

- * Sa Vama od početka do kraja, u svim fazama kod prodaje ili kupovine kuće
- * Ostvarenje i zaštita Vaših interesa je moj prioritet
- * Idealno vrijeme za kupovinu kuće - vrlo niske cijene uz povoljne kamate
- * Foreclosure * HUD homes * Prvi put kupci dobijaju Home Depot gift card
- * Besplatne usluge notara i prevođenja potrebnih dokumenata



metrobrokers **GMAC**
 .com Real Estate

DINO KRGO
 REALTOR

678-429-4353

dmservice@bellsouth.net



Alma - Travel

najjeftinije avio karte - nazovite i provjerite

- * jeftino
- ** brzo
- *** sigurno

toll free **888-5525-622**
 tel **408-333-9885**

www.almavacation.com
maslic@almavacation.com



Attorney At Law

Michael E. Carroll
Christopher S. Walker

&

Sejo Čamdžić
 (Investigator / Translator)



Radimo u oblastima:

Osobne povrede zadobivene:

- * Na radu
- Worker's compensation
- * U saobraćajnim nesrećama
- Car accident
- * Krivično pravo
- Criminal Law
- * Bankroti
- * DUI

Satellite Court
 2250 Satellite Boulevard,
 N.W. Suite 205
 Duluth, GA 30097

Attorney:
678-473-9472
 Sejo Č.: 678-876-6611

Advokati s dugogodišnjim iskustvom u radu s osiguravajućim društvima, sada mogu svojim iskustvom pomoći u rješavanju Vašeg slučaja.

SNSD i SDP će morati za pregovarački sto

Prema rezultatima izbora u BiH, jasni pobjednici su SDP i SNSD. SDP je osvojila najviše glasova i mandata u FBiH, dok je SNSD učinila isto u RS, a svaka je osvojila i mjesto u Predsjedništvu BiH. Obje stranke će biti nezabavljive u stvaranju nove bh. vlade, ali su ove dvije stranke u zadnje vrijeme bile na ratnoj nozi do te mjere da je predsjednik SNSD-a izjavio da je spreman da formira vlast sa bilo kim, osim sa SDP-om. Rasplet će biti dramatičan...

Političke stranke koje su osvojile mandate u Parlamentarnoj skupštini BiH započele su međusobne pregovore o formiranju nove vlasti. Sudeći po dosadašnjim razgovorima, čini se da stranke pobjednice, Savez nezavisnih socijaldemokrata i Socijaldemokratska partija, neće moći zaobići jedna drugu u formiranju vlasti na državnom nivou, bez obzira na međusobnu oštru retoriku koja je uslijedila odmah poslije izbora.

Najteži pregovori se svakako očekuju kod formiranja koalicija na nivou Bosne i Hercegovine, a pogotovo kod izbora predsjedavajućeg i sastava državnog Savjeta ministara. Nakon prvih međustranačkih razgovora i bavljenja izbornom kombinacijom, sve upućuje da će i vodeće dvije političke stranke, Savez nezavisnih socijaldemokrata i Socijaldemokratska partija, morati sjesti za pregovarački sto.

Lider SNSD-a Milorad Dodik, nakon razgovora sa liderom Stranke demokratske akcije Sulejmanom Tihićem, rekao je da je spreman na razgovore, ali da bi ozbiljniji pregovori trebali uslijediti nakon proglašenja zvaničnih izbornih rezultata. Dodik je, međutim, ostao pri stavu da predsjedavajući Savjeta ministara BiH treba da bude iz reda hrvatskog naroda.

„I ja se slažem da nakon zvaničnih rezultata da mi iz SNSD-a i SDP-a na neki način kreiramo jedan zajednički sastanak sa ostalim političkim partijama kako bismo mogli dogovarati određene stvari i davati odgovore ne samo na konstituisanje vlasti nego i na druga pitanja koja djeluju kao otvorena u ovom trenutku“, rekao je Dodik.

I u SDP-u su spremni na pregovore, ali ne po svaku cijenu. Lider SDP-a Zlatko Lagumdžija, nakon razgovora sa SDS-om, istakao je da njegova stranka neće odustati od zahtjeva da iz njenih redova bude predsjedavajući Savjeta ministara BiH. SDP je kroz razgovore sa SDS-om pokušao zaobići SNSD u formiranju vlasti.

„Savršeno je jasno da politička stranka koja je pobijedila

daje mandataru. To smo mi. S druge strane, čuli ste i gospodina Dodika - dok nije saznao da nije pobijedio i on je tvrdio da će oni kao pobjednici dati mandataru, pa makar se njihov mandatar zvao i Dragan Čović. E sad kad su saznali da nisu pobijedili, ja ne znam koja je trenutna pozicija gospodina Dodika“, rekao je Lagumdžija.

Nova vlast tek u januaru

Sulejman Tihić, koji podržava stav SDP-a po pitanju predsjedavajućeg Savjeta ministara, rekao je kako bi najbolja opcija bila da SNSD, SDP, SDA i neko iz hrvatskog bloka čine novu većinu, koja bi bila stabilnija od koalicije sa manjim partijama.

„Mi očekujemo da dvije pobjedničke stranke, SDP i SNSD, organizuju jedan sastanak na koji bi bili pozvani predstavnici SDA, određenih hrvatskih stranaka i ovoga bloka koji se pravi u RS i da razgovaramo o ovim problemima zajedno. Smatram da treba što prije implementirati izborne rezultate, što prije formirati vlast i na državnom nivou - i da bi to moglo biti realno negdje u januaru mjesecu 2011. godine“, smatra Tihić.

HDZ BiH želi da bude dio vlasti, a takođe i svog predsjedavajućeg Savjeta ministara.

„Naš cilj je da BiH ide svojim europskim putem i da ga ne ometamo. I s te strane ćemo dati apsolutni doprinos. Međutim, isto tako staviti ćemo svima do znanja vrlo jasno - tko želi praviti na bilo koji način inženjering nakon izbora, da on ruši direktno BiH. Ne treba to onda pripisivati apsolutno nekom drugom“, kaže lider HDZ BiH Dragan Čović.

No, i do sada su se iskristalisali već neki blokovi. U toku su razgovori SDA i SDP-a, a na pomolu je i dogovor o koalicionoj platformi sa kojom će na državnom nivou nastupati SNSD i SDS.

„Da ponovim još jednom stav SDS koji je jasan - da bi



besplatan upis kompanije

www.bosnianyellowpages.us

bilo dobro za RS da nastupa u Sarajevu jednim glasom, ili sa što manje različitih glasova ako je to moguće“, ocjenjuje lider SDS-a Mladen Bosić.

Razmjena u vladama

Milorad Dodik je najavio i da bi vlast u Republici Srpskoj mogla biti konstituisana već u novembru ove godine. Na entitetskom nivou načelno je dogovorena saradnja i SNSD-a sa SDA-om.

„Razgovarali smo o tome da i predstavnik SDA bude u Vladi RS, a isto tako da predstavnik SNSD-a bude u Vladi Federacije. I mislim da smo tu blizu dogovora“, kazao je Sulejman Tihic.

Politička analitičarka iz Banje Luke Tanja Topić mišlje-

nja je da je da je politički dogovor o formiranju vlasti na svim nivoima ipak moguć, ali da će vlast teško biti formirana od februara iduće godine.

„Niko nije mogao pretpostaviti da će SDP sjediti pa razgovarati sa SDS-om kao mogućim, potencijalnim partnerom, SNSD je apriori odbacivao svaku vrstu razgovora sa SDP-om, sada ublažava stav, tako da mislim da će tu biti još dosta pregovora i da će se političke partije naći u jednoj od matematičkih kombinacija“, ocjenjuje Topićeva.

Međutim, ono na šta posebno ukazuju analitičari jeste da bi politički lideri trebali više voditi računa o tome da se formira funkcionalnija koalicija na državnom nivou koja bi trebala uspješnije da rješava teška pitanja zaostala od ranije vlasti, poput ustavnih promjena, državne imovine i slično.

Osman "Cico" Vujinovic

cell: 404-550-8054
fax: 770-962-3596
e-mail: osmanvu@gmail.com

Specijalnosti:
bankovne kuće,
foreclosure i HUD kuće

Vaš Distributer za TV

Rasim Đuliman
- Generalni Zastupnik -

Tel: 678-377-2474
Cell: 678-764-8860

Vaš zastupnik za:
Hayat, BN-Tv
Pink, Pink Plus

415 Lynn Katie Ct.
Lawrenceville, GA 30045

Style TRAVEL USA

tel > 1.773.525.4889
toll free > 1.877.525.4889
fax > 1.773.435.6753
e-mail > info@styletravelusa.com

NAJPOVOLJNIJE karte za Bosnu, Srbiju, Hrvatsku, Crnu Goru, Makedoniju, Sloveniju i sve ostale destinacije!

Nudimo i usluge prevoda, popune i ovjere dokumenata.

JETFINE AVIONSKE KARTE LLC
Samo Ptice Lete Jeftinije

Jazmir Bešlija
owner

336 Springhaven Rd,
Lawrenceville, GA 30046
Tel 770.963.9684 Tel 770.651.7185
Tel 770.963.9685 Tel 770.268.8940
Fax 770.268.8942
TravelBiH@Hotmail.com
www.TravelBiH.com


Nudimo i paket aranžmane za

- * Mexico
- * Caribbean
- * Hawaii

< www.styletravelusa.com >

Konačni rezultati

Centralna izborna komisija BiH objavila je rezultate za sve nivoe vlasti, po svakom glasačkom mjestu i po svakom kandidatu. Rezultati su objavljeni nakon zbrajanja glasova iz općinskih izbornih komisija i iz inostranstva



Novi raspored snaga u Parlamentu BiH

Parlamentarna skupština BiH

Glasanje za državni Parlament iz Federacije je pokazalo da je najviše glasova uzeo SDP koji je u Federaciji osvojio 26,07 posto, druga iz Federacije je SDA s 19,40 posto glasova, a treći SBB s 12,16 posto. Sljedeći je HDZ BiH s 10,99 posto glasova i SBIH sa 7,25 posto glasova. Prag su prešle i Hrvatska koalicija HDZ 1990 - HSP BiH sa 4,86 posto i Narodna stranka Radom za boljitak sa 4,81 posto glasova. I za ovaj nivo vlasti u Federaciji je bilo 77.899 nevažećih glasova. U izboru zastupnika iz Republike Srpske u državni Parlament, apsolutni pobjednik je SNSD s 43,30 posto osvojenih glasova, slijedi ih SDS s 22,19 posto glasova. Prag su prešli PDP sa 6,45 posto i DNS sa 4,59 posto glasova. Po prvi put, svi predstavnici u Parlamentu BiH iz republike Srpske su Srbi.

Zastupnici u Parlamentu BiH

SDP: Denis Bećirević, Zlatko Lagumdžija, Hamdija Lipovača, Mirsad Mešić, Mirza Kušljugić, Nermina Zaimović-Uzunović, Saša Magazinić, Danijela Martinović;
SNSD: Nikola Špirić, Lazar Prodanović, Milorad Živković, Dušanka Majkić, Milica Marković, Boško Tomić, Drago Kalabić, Slavko Jovičić;
SDA: Amir Fazlić, Šemsudin Mehmedović, Šefik Džaferović, Senad Šepić, Zijad Jagodić, Asim Sarajlić, Salko Sokolović;
SBB BiH: Emir Kabil, Ismeta Dervoz, Adnan Bašić, Mirsad Đugum;
SDS: Mladen Bosić, Darko Babalj, Borislav Bojić, Aleksandra Pandurević;
HDZ BiH: Dragan Čović, Niko Lozančić, Mato Franjčević;
SBIH: Beriz Belkić, Azra Hadžiahmetović;
HDZ 1990 - HSP: Božo Ljubić, Zvonko Jurišić;
NSRB: Mladen Ivanković Lijanović;
DNZ: Nermin Purić;
PDP: Vesna Krstović-Spremo;
DNS: Petar Kunić.

Parlament Federacije BiH

U utrci za Federalni parlament pobjedu je odnio SDP s 24,53 posto glasova. Druga je SDA s 20,22 posto glasova i treći SBB s 11, 89 posto. HDZ BiH je dobio potporu 10,64 posto hrvatskih glasova. Stranka za BiH sudjelovat će u Federalnom parlamentu s dva zastupnika jer je dobila podršku 7,63 posto glasova. U Parlamentu FBiH će se naći i zastupnici Narodne stranke Radom za boljitak koja je osvojila 4,72 posto glasova i Hrvatske koalicije HDZ-a 1990 - HSP BiH sa 4,68 posto glasova. 74.498 glasačkih listića je proglašeno nevažećim.

Zastupnici u Parlamentu FBiH

SDP: Damir Hadžić, Tomo Vidović, Damir Mašić, Mahmut Alagić, Braco Kulenović, Ramiz Zahirović, Elvir Karajbić, Zlatan Fatušić, Zukan Helez, Slaviša Sućur, Svetozar Pudarić, Nermin Nikšić, Enver Mehmedović, Aida Brčić, Senad Subašić, Alma Zildžić, Besima Borić, Irfan Imamović, Mirjana Marinković Lepić, Željka Bošnjak, Kadrija Modrić, Said Mujkanović, Rusmir Mesihović, Kemal Begonović, Jasmina Zubić, Jasenko Selimović, Zoran Perić, Fikret Kilim;

SDA: Safet Softić, Edin Mušić, Denis Zvizdić, Muhamed Ibrahimović, Osman Suljagić, Šemsudin Dedić, Amir Avdić, Mirsad Zamović, Mehdi Selimović, Ibrahim Nadarević, Safet Kešo, Jasmin Duvnjak, Omer Škaljo, Melika Mahmutbegović, Sead Hasanhodžić, Dževad Agić, Enver Mujala, Edham Veladžić, Ismet Osmanović, Irfan Ajanović, Amela Mešić, Josip Jurišić, Ljiljana Sakić;

SBB BiH: Mirsad Džonlagić, Fehim Škaljić, Mirvad Kurić, Faruk Ja-

bučar, Mirza Ustamujić, Nasir Beganović, Omer Hećimović, Nihad Alikadić, Aner Begić, Hazim Kapić, Zijad Alajbegović, Aida Čikić, Munib Jusufović;

HDZ BiH: Mladen Bošković, Predrag Kožul, Željko Tomić, Marinko Čavara, Jozo Bagarić, Marijan Živković, Katica Čerkez, Josip Matić, Vjekoslav Bevanda, Davor Peهار, Ljilja Zovko, Ivan Musa;

SBiH: Omer Vatrić, Sead Omerbegović, Muhidin Alić, Mirnes Alagić, Safet Halilović, Midhat Osmanović, Adil Lozo, Rahman Dželo, Spomenka Mičić;

NSRZB: Hasan Samardžić, Marija Antić, Ivica Jurčić, Ivana Šakota, Vinka Bokšić;

HDZ 1990 - HSP: Stanko Primorac, Slavica Josipović, Srećko Boras, Boro Krišto, Željko Asić;

A-SDA: Jasminka Durić;

DNZ: Hafeza Sabljaković;

SNSD: Velimir Kunić.

Narodna skupština RS

Konačni rezultati za Narodnu skupštinu RS-a pokazali su da je SNSD dobio podršku 38,01 posto građana. SDS je dobio 18,97 posto glasova, a Partija demokratskog progressa 7,55, dok je DNS dobio 6,09 posto. Prag su prešli i Socijalistička partija i Partija ujedinjenih penzionera sa 4,24 posto glasova, SDP BiH s 3,05 posto glasova te Demokratska partija Dragana Čavića s 3,41 posto.

Predsjedništvo BiH

Izetbegović, Komšić i Radmanović

Prema konačnim rezultatima, bošnjački član Predsjedništva BiH je Bakir Izetbegović iz SDA sa 162.797 glasova ili s 34,87% osvojenih glasova, drugi je Fahrudin Radončić iz SBB-a sa 142.358 ili 30,49% i treći Haris Silajdžić iz SBiH sa 117.168 glasova ili 25,10%. Mjesto hrvatskog člana Predsjedništva će i u naredne četiri godine zauzimati Željko Komšić iz SDP-a, sa 336.961 glasom ili 60,61%. Borjana Krišto iz HDZ-a BiH osvojila je 109.714 ili 19,74% glasova, dok Martin Raguž, kandidat Hrvatske koalicije HDZ 1990 - HSP BiH ima 60.234 glasa ili 10,84%. Zabilježeno je 74.815 nevažećih glasova. Najveća borba i najneizvjesnije bilo je kod izbora srpskog člana gdje je Nebojša Radmanović iz SNSD-a, prema zvaničnim podacima CIK-a, s 9.697 glasova pobijedio Mladena Ivanića iz PDP-a. Radmanović je imao 295.624 glasa ili 48,92%, a Ivanić 285.927 glasova ili 47,31%. Valja napomenuti da je ukupan broj nevažećih glasova za izbor srpskog člana Predsjedništva BiH 66.138.

Predsjednik i potpredsjednici RS

Novoizabrani predsjednik Republike Srpske je Milorad Dodik s 50,52 posto glasova, dok je drugi Ognjen Tadić s 35,92 posto glasova. Potpredsjednici RS-a iz reda hrvatskog i bošnjačkog naroda su Enes Suljkanović iz SDP-a i Emil Vlajki iz NDS-a.





Rezultati izbora u BiH

Kantoni u Federaciji

Srednjobosanski kanton

(30 zastupnika)

HDZ BiH - 7

SDA - 6

SDP - 6

SBB BiH - 5

SBiH - 2

HDZ 1990-HSP BiH - 2

NSRZB - 1

HSS-NHI - 1

Hercegovačko-neretvanski kanton

(30 zastupnika)

HDZ BiH - 10

SDA - 5

SDP - 5

HDZ 1990 - 3

SBB BiH - 3

SBiH - 2

HSP BiH - 1

NSRZB - 1

Zapadnohercegovački kanton

(23 zastupnika)

HDZ BiH - 13

HDZ 1990 - 4

HSP BiH - 3

NSRZB - 3

Kanton Sarajevo

(35 Zastupnika)

SDP - 10

SDA - 7

SBB BiH - 7

SBiH - 4

BPS - 2

NAŠA STRANKA - 2

SDU BiH - 1

BOSS - 1

NSRZB - 1

Livanjski kanton

(25 zastupnika)

HDZ BiH - 9

HDZ 1990 - 4

SNSD - 3

NSRZB - 3

HSP BiH - 2

SDA - 1

HSS - NHI - 1

SDP - 1

DNS - 1

Unsko-sanski kanton

(30 zastupnika)

SDP BiH - 8

SDA - 8

DNZ BiH - 5

A-SDA - 4

SBiH - 2

SBB BiH - 2

NSRZB, KSPP, E-5, LDS - 1

Posavski kanton

(21 zastupnik)

HDZ BiH - 8

HDZ 1990 - 4

SDA - 3

SDP - 1

HSS - NHI - 1

POSAVSKA STRANKA - 1

SBB BiH - 1

SBiH - 1

HSP BiH - 1

Tuzlanski kanton

(35 zastupnika)

SDP BiH - 12

SDA - 10

SBB BiH - 5

SBiH - 4

NSRZB - 2

BPS - Sefer Halilović - 1

HDZ BiH - 1

Zeničko-dobojski kanton

(35 zastupnika)

SDP - 10

SDA - 10

SBB BiH - 5

SBiH - 4

NSRZB - 3

HDZ BiH - 2

BPS - Sefer Halilović - 1

Bosansko-podrinjski kanton

(25 zastupnika)

SDP - 8

SDA - 7

SBiH - 4

SBB BiH - 3

NSRZB - 2

BPS - Sefer Halilović - 1 .

Posljedice izbora u BiH

Bojan Bajić podnio ostavku na mjesto predsjednika Naše stranke

Na sjednici Izvršnog odbora Naše stranke, održanoj 30. 10. 2010, predsjednik Naše stranke Bojan Bajić je podnio ostavku na mjesto predsjednika stranke, uz obrazloženje da se osjeća odgovornim za neispunjena očekivanja stranke spram izbornog rezultata. Do izbora novog rukovodstva će doći na izbornom kongresu stranke koji se očekuje u narednom periodu, a u skladu sa planom konsolidacije i jačanja Naše stranke, te pripreme za lokalne izbore 2012.

- U skladu sa Statutom stranke, te demokratskom političkom praksom, osjećam obavezu i odgovornost da se povučem s pozicije predsjednika stranke, te da preuzmem dio vlastite odgovornosti za neispunjena očekivanja Naše stranke kada je riječ o izbornom rezultatu.

Ostajem privržen ideji i političkom programu Naše stranke, za koji držim da je jedini civilizacijski put za izlazak Bosne i Hercegovine iz dvodecenijske krize, izjavio je Bojan Bajić.

I to su izbori

Neslavni rekorderi

Hazim Isić i Marina Jevtić, kandidati za Parlament BiH, odnosno Narodnu skupštinu RS-a, rekorderi su sa najmanjim brojem osvojenih glasova, jer im je povjerenje ukazalo samo po dvoje birača. Isić je bio kandidat Demokratske stranke invalida BiH, dok je Jevtićeva kandidirana ispred Narodne stranke Radom za boljitak. Isić je za loš izborni rezultat u Nezavisnim novinama okrivio narod, "koji nije prepoznao ono što je on nudio te objašnjava da su ovi izbori bili njegov jedini dodir s politikom": "Takav ti je naš narod. Ne znam čiji sam glas dobio, ali sam htio da se čuje ono što ja mislim. Nisam očekivao da pobijedim, ali mislio sam da će rezultat biti bolji i očigledno je da sam se prevario. Drago mi je da nisam jedini sa samo dva osvojena glasa."



Dino Multi-Services

DMS **PREVODI, NOTARSKI I ADMINISTRATIVNI POSLOVI**

Pružamo usluge:

- Notara, Apostille (međunarodna nadovjera dokumenta)
- prevoda i ovjere različitih vrsta dokumenata na engleskom ili na našem jeziku (punomoći, diplome, uvjerenja, ugovori, rodni i vjenčani listovi, nasljedničke izjave)
- popunjavanja aplikacija za zelene karte, državljanstva, pasoše, zaposlenja i sl.
- prevođenja (sudovi, imigracioni uredi, social security, dfcs, bolnice, banke, posao)

CENTAR ZA MALU PRIVREDU
NA JEDNOM MJESTU: ODLUKE - SAVJETI - RJEŠENJA

ADRESA: 919 OAK MOSS DR.
LAWRENCEVILLE, GA 30043
E-MAIL: DMSERVICE@BELLSOUTH.NET

tel.(678)429-4353

KRGO DINO



Sada je pravo vrijeme za kupovinu kuće - Pozovite me...

- *Besplatna market analiza
- *Hud & Foreclosure specijalne ponude
- *Najbolje kamate
- *Brza prodaja Vaše kuće
- *Tax credit od \$8.000.00 prilikom kupovine prve kuće (First time Buyer)

Prilikom kupovine moje usluge su besplatne



Armin Mehmedović
BROKER - ASSOCIATE

Direct: 404-512-0509
E-mail: arminsellsatlanta@yahoo.com
www.gwinnettnewhomesonline.com



20+ TELEVIZIJSKIH KANALA

Svi TV kanali su LIVE i na Local American Time

500+ Naslova na Video On Demand

✓ Bez potrebe satelita! ✓ Bez potrebe kompjutera!



20+ kanala samo na BalkaniaTV

Generalni zastupnik
Rasim Djuliman
Tel: 678.377.2474
Cell: 678.764.8860

RTV BOSTEL - Chicago	Kanal "D" - Local Time
Kanal "D" - Dječji Kanal	Otvorena Televizija - Local Time
Balkanika Music TV	Jasmin TV - Local Time
Federalna TV - Sarajevo	DM SAT - Local Time
Jasmin TV - Stari Vitez	RTS - Local Time
DM SAT - Dragana Mirkovic	BHT 1 - Local Time
RTS - Beograd	Kanal 5 - Local Time
ATLAS TV - Podgorica	RTV Duga - Local Time
BHT 1 - Sarajevo	OBN - Local Time
Kanal 5 - Split	AMNA TV - Local Time
OBN - Sarajevo	Balkania TV - Local Time
ALFA - Sarajevo	RTCG - Local Time
AMNA TV - Tesanj	
Balkania Plus - New York	more channels coming soon!
RTCG - Podgorica	
Otvorena Televizija - Zagreb	
Lait Music - Tuzla	



\$29
a month

NOVOSTI, SPORT, ZABAVA, DJECI PROGRAM, SPEKTAKLI I TD. - SAMO na BalkaniaTV

www.BalkaniaTV.com

1-866-639-8911

Može li se nakon izbora formirati ikakva, osim "matematičke" vlasti?

Politika dezintegracije

Ustvrdivši da ne postoji država Bosna i Hercegovina nego "državna zajednica Bosna i Hercegovina", nakon prošlosedmičnog sastanka sa Draganom Čovićem u Banjoj Luci, Milorad Dodik označio je pravac kojim kani usmjeriti svoju politiku. Moguće je da tom verbalnom pirotehnikom Dodik nastavlja politiku zastrašivanja secesijom, no u kombinaciji s ojačanim liderom HDZ-a BiH ovakvi istupi ne mogu imati nikakav osim zlokoban prizvuk. Kad se toj kombinaciji priključi "pobjednik" Zlatko Lagumdžija i njegov SDP, to jest kada se sahrani svaka primisao o programskom koaliranju u korist matematskog, dolazi se do neizbježnog zaključka da najmanji zajednički imenitelj "nepomirljivih" politika iz RS-a i Federacije BiH nije integracija, već dezintegracija Bosne i Hercegovine.

Ukoliko se desi - a nije isključeno - da se matematička koalicija na državnom nivou oformi bez SNSD-a, Dodik je u gostovanju na BHRT-u upozorio (pazi sad!) da bi to bilo štetno za BiH i da je "zemlja u tom slučaju na dobrom putu dalje dezintegracije", iz čega bi se na prvu ruku dalo zaključiti da on planira biti integrativni faktor. Kao što je i do sada bio

Radna temperatura

Ukoliko se desi - a nije isključeno - da se matematička koalicija na državnom nivou oformi bez SNSD-a, Dodik je u gostovanju na BHRT-u upozorio (pazi sad!) da bi to bilo štetno za BiH i da je "zemlja u tom slučaju na dobrom putu dalje dezintegracije", iz čega bi se na prvu ruku dalo zaključiti da on planira biti integrativni faktor. Kao što je i do sada bio.

Lider "socijaldemokrata" iz Republike Srpske nije propustio niti u jednom svom javnom postizbornom očitovanju napomenuti da je SDP ili Zlatko Lagumdžija "neprihvatljiv", aludirajući na mjesto predsjedavajućeg u Vijeću ministara na kojem bi se, prema njegovom sudu, trebao naći "vidljivi, a ne kamuflirani predstavnik hrvatskog naroda u BiH". Ta bi dužnost, smatra Dodik, trebalo da pripadne lideru HDZ-a BiH Draganu Čoviću "kao predstavniku stranke koja je na proteklm izborima dobila najveću podršku iz ovog naroda". "Izbor Čovića bio bi u skladu sa suštinom Dejtonskog sporazuma, da bi doprinio političkoj stabilnosti BiH, odnosno rehabilitirao i izbalansirao situaciju nakon izbora Željka Komšića za člana Predsjedništva BiH, te tako stvorio radnu temperaturu". Čović je, sa svoje strane, nastavio podgrijavati teze o trećem entitetu "nipošto na štetu Republike Srpske", što je matrica koju će, po svojoj prilici, biti prisiljavani da progutaju i ostali predstavnici partija "s hrvatskim predznakom". Iz čelnništva HDZ-a 1990 smo dobili uvjeravanja da Čović nema suglasnost

ove stranke niti da se oni mogu dovesti u vezu s njegovim recentnim izjavama o teritorijalnom preustroju BiH, te podsjećanja na ključne tačke iz predsjedničke kampanje njihovog kandidata Martina Raguža: "Svaki administrativni preustroj Bosne i Hercegovine dolazi u obzir isključivo na teritoriju cijele BiH." I sama činjenica da se iz ove stranke još nisu spremni javno očitovati ukazuje na to da će se Čović sve češće ukazivati kao jedini tumač volje Hrvata u BiH.

No, već sada je jasno da SNSD neće odmaknuti od plana reforme Ustava Bosne i Hercegovine u mjeri u kojoj se Republici Srpskoj garantira "državnost". Hineći konstruktivnost, Dodik preuzima "inicijativu": SNSD je spreman odmah da počne da radi i ponudi prijedloge rješenja kod implementacije presude Suda u Strasbourgu u predmetu Sejdić i Finci protiv BiH - kao da to već nije preuzeta obaveza nakon donošenja presude pred Međunarodnim sudom za ljudska prava u Strasbourgu - te pitanjima distribucije električne energije u Distriktu Brčko, vojne imovine i popisa stanovništva u BiH. O svemu nabrojanom upravo Dodikov SNSD zauzima najrigidnije stavove, i reformu svega nabrojanog oborio je upravo SNSD - već je donesen entitetski zakon o vojnoj imovini, i već je oboren državni zakon o popisu stanovništva, tačnije njegov Član 48. koji propisuje primjenu rezultata popisa na konstituiranje vlasti na nivou BiH tek od potpune provedbe Aneksa VII Dejtonskog mirovnog sporazuma.



Najmanji zajednički imenitelj "nepomirljivih" politika iz RS-a i Federacije BiH nije integracija već dezintegracija Bosne i Hercegovine

Pregovori sa SDS-om

U međuvremenu, pod krinkom "pregovora svih sa svima", Dodik je - a to je Dragan Čavić najavio u vrijeme kada je Mladen Bosić predvodio ljutite opozicionare - otpočeo i pregovore sa SDS-om. Dobro upućeni izvori iz SDS-a tvrde da od te koalicije zapravo neće biti ništa te da SDS na ovaj način samo "tvrđi pazar". U svakom slučaju, šefovi SNSD-a i SDS-a su obavili prvi u nizu razgovora o mogućoj zajedničkoj saradnji, na kojem su se "saglasili o mnogim pitanjima".

Dodik je poslovno saopćio da "još nije razgovarao s predstavnicima PDP-a", dodajući da je primarni zadatak postići dogovor između SDS-a i SNSD-a, a ostale partije mogu se priključiti tom dogovoru. Istovremeno, u kuloarima je puštena priča o mogućoj suradnji SNSD-a i PDP-a, pa čak i o tajnom sastanku Dodik - Ivanić. "Nudim 500.000 maraka onome ko donese snimak s tog sastanka", rekao je Ivanić, naglašavajući da "nema ni teoretske šanse da se uđe u savez sa SNSD-om".

Obrni-okreni, "velika koalicija" socijaldemokrata suprotstavljenih mišljenja - ironično - neće moći biti izbjegnuta. Stranka demokratske akcije, druga najjača bošnjačka partija u Federaciji BiH, zabavljena svojim problemima te nesmiljenim medijskim podmetanjima iz glasila SBBiH Dnevnog avaza, drži se po strani čekajući SDP. Dodikovim rječnikom: realnost je da je SDP jedan od pobjednika: "SDP nije ono što mi želimo, ali razgovarat ćemo i s njima." To, ipak, ne znači nikakvu koaliciju niti programsko objedinjavanje, naglasio je: "Ako ne uđemo u Vijeće ministara, optužit će nas da nismo u funkciji realizacije Dejtonskog sporazuma, kao što je to bilo svaki put do sada."

Međutim, nepotvrđene informacije o pregovorima na razini Federacije BiH govore da će se federalni socijaldemokrati imati čime zabavljati, mnogo prije sticanja uslova za formiranje vlasti na državnom nivou. Naime, informacije koje dolaze iz kuloara ukazuju na to da se SDP BiH naročito bori da dobije mjesto ministra unutrašnjih poslova FBiH: kao razlog se navodi zataškavanje istrage oko "afere reket", odnosno pokušaja iznude za koju je osumnjičeno najuže rukovodstvo SDP-a BiH, s predsjednikom stranke Zlatkom Lagumdžijom na čelu. Dodatnu sumnju pobuđuje i grčevito upinjanje oko izbora nasljednika aktuelnog direktora Federalne policije Zlatka Miletića. Sarajevsko Oslobođenje je objavilo mišljenje Ureda Vlade FBiH za zakonodavstvo prema kojem Miletić može dobiti još jedan mandat. U mišljenju Ureda o Članu 33 Zakona o unutrašnjim poslovima FBiH iz 2005. godine, piše Oslobođenje, navedeno je da je Miletićev prvi mandat započeo januara 2007. i da ističe u januaru 2011. godine. Po svemu sudeći, unatoč kamionu dokaza, moguće je da se istraga o reketaškim aktivnostima, o aktovkama razmjenjivanim u Bošnjačkom institutu, o snimcima pokušaja ucjenjivanja koje je napravio FUP u suradnji sa SIPA-om..., nikada neće završiti.

Iako Evropljani uporno podsjećaju da su prijetnje otčepjenjem i pokušaji podrivanja suvereniteta Bosne i Hercegovine neprihvatljivi, te da je "EU ponudila članstvo BiH kao ujedinjenoj zemlji, a ne njenim entitetima", još nema niti jednoga glasa koji bi se suprotstavio Miloradu Dodiku i njegovoj naci-ideologiji. To može značiti samo jedno: da je Dodik stvarno u pravu kad, paradoksalno, kaže da Bosne i Hercegovine bez njega - nema?



Am Dent, Inc.



Dental Care for Entire Family

Dr. NAZNEEN S. DALWAI, DMD

- * Cleaning and Gum Treatments
- * Bleaching, Bonding and Veneers
- * Crowns and Bridges
- * Tooth Colored Fillings
- * Extractions
- * One Hour Whitening (\$250)
- * Dentures and Partial
- * Bad Breath Treatment
- * Root Canal Treatment
- * Snoring Problem
- * Thumb Sucking Problem
- * Teeth Grinding Problem



Let us give you a winning smile!

Late Evening and Weekend Hours :: Phone 770.279.5000

Most Insurances Accepted

Medicaid (uder 21) Peachcare

Major Credit Cards

NOW OFFERING! Ortho (Braces) Special - FREE Ortho Consultation

New Patient Special (Exam, X-Rays, Cleaning) - ONLY \$75

0% Financing up to 12 Months through Care Credit

www.drnazneendalwai.com :: 895 Indian Trail Road, Suite 11, Lilburn, GA 30047

Herceg, plus centralna Bosna

Upadljivo je kako Čović i Dodik uvježbano zamjenjuju uloge i tekstove: niti jedan srpski političar poslije Dayton a i poslije Miloševićeva pada nije, kao sada hrvatski političar Čović, predao Republiku Srpsku isključivo na raspolaganje srpskome narodu i "rukovodstvu entiteta", a ni jedan hrvatski političar poslije Dayton a i poslije odlaska Tuđmana, nije, kao sada srpski političar Dodik, uskrsnuo Herceg-Bosnu, čak uvećanu za cijelu "centralnu Bosnu i Hercegovinu"

Piše: Ivan Lovrenović

Tema ustavno-političke neravnopravnosti hrvatskoga naroda u dejtonskoj Bosni i Hercegovini, i nove, hrvatske teritorijalno-upravne jedinice kao jedinoga sredstva za otklanjanje toga deficita, preživjela je predizbornu kampanju i nastavlja se dalje, čak s povišenom intonacijom, pa bi se moglo reći da je to ovih dana u cijeloj, inače strogo entitetski/etnički razdijeljenoj bosanskohercegovačkoj javnosti, od Banje Luke, do Mostara i Sarajeva jedna od vodećih političkih tema. Još od "pobune" Ante Jelavića s Hrvatskom samoupravom prije deset godina (toliko podoficirski slaboumne da je se danas njezini akteri, jednako politički i crkveni, ne vole sjećati, najradije bi da se zaboravi kao da je nikada nije bilo), nije se dogodilo da je u medijskoj i političkoj javnosti hrvatska tema toliko prisutna i glasna. Taj momentum mogao bi biti odlično iskorišten da se o ovoj temi razvije politička i medijska rasprava kakvu ona po svojoj važnosti i neodložnosti zaslužuje; sveobuhvatna i temeljita rasprava, transetnički otvorena, u kojoj bi se sučelili argumenti i artikulirala stajališta,

te kroz koju bi se pokazalo da postoje i drukčija, alternativna a možda bolja, ostvarljivija i prospektivnija rješenja od ovoga koje se danas na ultimativan način nameće kao jedino i spasonosno. U jednoj takvoj raspravi mogli bi se osvijetliti i osvjestiti (što se do danas nikada nije ni pokušalo) svi raspoloživi oblici institucionalne ravnopravnosti i političke autonomije, za koje bi se u predstojećim pregovorima o ustavnim reformama valjalo politički boriti kao za sistemsko rješenje hrvatskoga, ali i svih drugih nacionalnih pitanja u Bosni i Hercegovini. Od osobite je važnosti to, što bi se jedino na taj način mogao relativizirati srpski nacionalni monopol u Republici Srpskoj, a bez konflikta, kroz mirni demokratski proces. Naravno, za razliku od politički vrućega talambasanja o "trećem entitetu", za ovakav pristup potrebno je realistično sagledavanje vlastitoga položaja, dugoročnija politička vizija, snaga, pamet i

riješenoš, te istinska politička hrabrost, onkraj demagoške pirotehnike i tjeranja sebičnih interesa.

Za sada, dakle, takva rasprava nije ni na pomolu, a dva glasa koja nas napadno i svakodnevno uvjeravaju u nužnost "trećega entiteta", jesu glasovi Dragana Čovića i Milorada Dodika. O tome kako prvi opsenari i trguje "trećim entitetom", i kako ciljano poltronira Dodiku, a kako ovaj, lažno brinući hrvatsku brigu, utvrđuje status Republike Srpske. No, s idejama koje su iznijeli u svojim najnovijim izjavama ova su dvojica političara otišli korak dalje nego ikada do sad, pa im opet valja posvetiti dužnu pažnju.



**Milorad Dodik i Dragan Čović:
RS neupitna, treći entitet treba napraviti od teritorije FBiH!**

U Čovićevoj izjavi nije novost njegov stav o nepovredivosti Republike Srpske u budućem preuređivanju Bosne i Hercegovine - taj moralni i politički prag on je preskočio davno. Da bismo uočili novinu, politički šokantnu, evo cijele izjave (kako ju prenosi Radio-televizija Republike Srpske): "Hrvatska jedinica se ne smije stvarati na štetu granica Republike Srpske i o njima treba da odlučuje isključivo srpski narod i rukovodstvo

ovog entiteta, a HDZ će svaki njihov stav o tom pitanju morati da uvaži."

Govoreći, pak, za hercegovačko izdanje Večernjega lista, Dodik je, ponovivši po tko zna koji put "da je teritorijalni kapacitet Republike Srpske nedodirljiv", Hrvatima velikodušno nacrtao entitet. "Hrvatsku teritorijalnu jedinicu, kaže on, trebalo bi da čini ono što je bila Herceg-Bosna i obuhvatiti Posavinu i centralnu Bosnu i Hercegovinu." (Pod "Posavinom" Dodik, naravno, misli samo na onu podlanicu teritorija, krvavo obranjenu od Karadžić-Mladićeve vojske, što ju danas pokriva Posavski kanton.)

Najprije, upadljivo je kako Čović i Dodik uvježbano zamjenjuju uloge i tekstove: niti jedan srpski političar poslije Dayton a i poslije Miloševićeva pada nije, kao sada hrvatski

političar Čović, predao Republiku Srpsku isključivo na raspolaganje srpskome narodu i "ruководstvu entiteta", a ni jedan hrvatski političar poslije Daytona i poslije odlaska Tuđmana, nije, kao sada srpski političar Dodik, uskrsnuo Herceg-Bosnu, čak uvećanu za cijelu "centralnu Bosnu i Hercegovinu".

Iz najmanje tri razloga Čovićev stav o Republici Srpskoj ne bi smio biti podržan ni od koga, a i on sam bi ga se morao kategorično odreći ako mu ikada debelu kožu vulgarne dnevnopolitičke pazar-filozofije makar na trenutak probije zraka političke refleksivnosti. Da i ne govorim o tomu kako bi ga i najnezatniji član vlastite stranke morao "upitati za zdravlje" nakon ovakve izjave, samo kada bi u HDZ-u uopće poznavali disciplinu mišljenja svojom glavom. Prvo, kakvo mu je to poimanje demokracije i elementarno politološko znanje, kada propisuje da o granicama jedne teritorijalno-administrativne jedinice, u kojoj kao njezini politički konstituenti s jednakim ustavnim pravima žive tri naroda plus tzv. ostali, ima da "odlučuje isključivo srpski narod i rukovodstvo entiteta"! Drugo, sasvim načelno, ako je dvoentitetska struktura dejtonske BiH nepravedna između ostaloga i zato što, prema hadezeovskoj logici, nije Hrvatima dala ono što je dala Srbima, kakvo to, onda, po Čoviću "božije pravo" čini Republiku Srpsku nedodirljivom, a ostatak BiH - rastavljivim? Treće, zar je baš nikomu drugome nego HDZ-u BiH i Draganu Čoviću pripala uloga da se Republika Srpska napokon ovjekovječi kao ekskluzivno srpska "despotovina", i da u njoj bude zauvijek zatrven posljednji trag hrvatskih i svakih drugih nacionalnih prava osim srpskih! S ovakvim političkim rezonima i s ovakvim srčanim razumijevanjem Republike Srpske kao nacionalno čistoga vlasništva, Dragan Čović je na proteklim izborima mogao biti bolji i jači kandidat za predsjednika Republike i od samoga Milorada Dodika!

A čime to, da vidimo, Dodik nutka Hrvate? Najprije, to je jasno i političkome slijepcu, dodatnim produblivanjem krize u Federaciji, te novom i pojačanom antagonizacijom s Bošnjacima. Samo netko nema pojma o našoj krvaviji 1992-95, o načinu na koji je generirano političko a onda i vojno stanje koje je 1993. dovelo do sukoba između Armije BiH i HVO-a u srednjoj Bosni, pa iz temelja promijenilo početni karakter rata i odnose snaga u njemu u korist Karadžića, mogao bi "slučajno" i "bezazleno" uvoditi srednju Bosnu u novu "hrvatsku teritorijalnu jedinicu". Dodik sasvim sigurno nije naivac i nevjera, on zna sve, pa njegova ponuda ne može biti drugo do zločudno podmetanje političkoga eksploziva. Kada se Čović pravi nevjesta i od takvih darova se jasno i principijelno ne ograđuje, on potvrđuje potpunu inferiornost u svojem odnosu s Dodikom, a hrvatsku politiku navodi na stranputicu političkog mišljenja po kojemu se hrvatski interesi mogu ostvarivati tek u koliziji s općim interesima Bosne i Hercegovine. Ako se još i čini da takvo mišljenje, pri sadašnjemu nedovoljno jasnom stanju odnosa između Beograda i Banje Luke s Rusijom u pozadini, može dati ruku Miloradu Dodiku, Čović i drugi hrvatski političari bi morali znati da je za Hrvate takvo političko mišljenje dugoročno neprihvatljivo, da donosi samo produžavanje vlastite nesređenosti i političkoga lutanja. Zar to, zaista, još nekomu treba objašnjavati? Uostalom, neće proći mnogo vremena, a vidjet ćemo kako se i Dodikov barjak polako spušta, i kako se i on poslušno i kooperativno "vraća" u Bosnu i Hercegovinu, jer će to biti jedini način da se sačuva razumni i održivi nivo au-

tonomije u Republici Srpskoj.

Hrvatski problem u Bosni i Hercegovini objektivno postoji, u to odavno nikoga dobronamjernog ne treba uvjeravati. Način na koji se njime tako bezočno manipulira, kako je to opisano na primjeru Dodik-Čovićeve združene akcije, nije omogućen samo njihovom voljom i spremnošću da manipuliraju. Isto toliko pripremljen je onom vrstom nacionalističke bošnjačke politike kakvu je u proteklom četverogodišnjem ciklusu predvodio i artikulirao Haris Silajdžić, još od propasti tzv. "aprilske paketa" u proljeće 2006. i nesmiljene predizborne kampanje, snažno pridonoseći reduciranju političkoga života na bipolarni srpsko-bošnjački odnos, uz posvemašnju marginalizaciju Hrvata. Pisao sam o opasnosti od te redukcije i marginalizacije neposredno nakon izbora u oktobru 2006. godine: "S premještanjem političkoga težišta i dinamike na relaciju između dva jaka etnonacionalna bloka, srpskoga i bošnjačkoga, s tek simboličnim učešćem hrvatskoga etnopolitičkog elementa u političkom životu, te s hrvatskim predstavnikom u Predsjedništvu koji ni sam sebe ne vidi takvim - nije li razložno upitati u kakvu političku konstelaciju ulazi Bosna i Hercegovina poslije izbora 2006. godine?" Danas, četiri godine poslije, kada je Dodik ponovo trijumfirao, kada je Silajdžićeva "državotvorna" politika propala, Željko Komšić sjeo da drugi put "predstavlja" Hrvate u Predsjedništvu države, a Čović za svoju politiku paktiranja s Dodikom dobio većinsku podršku hrvatskih birača (baš najviše zahvaljujući opisanoj marginalizaciji Hrvata), te dok se iz najava Zlatka Lagumdžije naslućuje esdepeovski preinačena verzija Silajdžićeve politike "stopostotne Bosne i Hercegovine" - konstelacija nije nimalo vedrija.

GOLD BALANCES PORTFOLIOS

FREE DVD OFFER!

"RARE OPPORTUNITY 2010" is a new television special on DVD hosted by Pat Boone covering the basics about precious metal investment alternatives, including:

- 6 major forces driving gold prices higher
- 5 steps before buying or selling gold
- 4 types of gold worth owning today

Get inspired to rediscover gold today!

CALL 888-419-8140

A Rare Opportunity 2010

INTERVJU: Sulejman Tihić

Nećemo u vlast po svaku cijenu!

Gospodine Tihiću, danas smo dobili radosnu vijest o oslobođanju Ilije Jurišića (razgovor vođen u ponedjeljak, 11. 10., op.a). Kako komentirate odluku beogradskog Apelacionog suda?

TIHIĆ: To je u svakom slučaju radosna vijest za sve bosanskohercegovačke patriote. Veoma je važno da je to odluka suda u Srbiji, ali to će biti još jedan doprinos, da tako kažem, uspostavi povjerenja, pored ostalog, i između pravosudnih institucija, što je bitno i za druge procese u BiH. Očito je da ova presuda dokazuje kako se ipak radilo o politički motiviranom procesu i da je to u jednom momentu srbijanskoj politici bilo potrebno iz nekih političkih razloga. Vjerovatno da bi se napravila nekakva ravnoteža zbog brojnih postupaka koji se vode protiv državljana Srbije zbog ratnih zločina u BiH, na Kosovu, itd. Ova presuda i cijeli postupak, sve što je Ilija Jurišić preživio, treba da bude pouka našim pravosudnim institucijama, od Ministarstva do Tužiteljstva i Suda, da učine sve kako se ovakvi slučajevi više ne bi ponavljali.

Kako pravno tumačite ovu odluku - gospodin Jurišić nije oslobođen, pušten je kući, a postupak je vraćen na početak, što znači da zapravo nije obustavljen postupak protiv njega i protiv svih lica sa srbijanskih optjernica?

TIHIĆ: Radio sam i kao sudija, i javni tužitelj, i advokat. Znam šta znači kada se ukine prvostepena presuda. Kada se ozbiljno dovodi u sumnju postojanje krivičnog djela koje se stavlja na teret, pogotovo u jednom takvom postupku. I mislim da je ovo pošteniji, da tako kažem, i svakako pravno utemeljeniji način kako se može izaći iz jednoga postupka koji je očito bio politički motiviran. Da ipak sud prizna svoju grešku, ne može je odmah priznati sto posto, pa ga osloboditi, nego je ipak priznaju jednim dijelom, s tim da ovo pitanje konačne presude ostavljaju prvostepenom sudu, a ja vjerujem da će se u međuvremenu zaključiti sporazum između naših tužiteljstava, BiH i Srbije, da se takvi predmeti ustupe Sudu BiH, ili eventualno neki drugi predmeti iz BiH ustupe Sudu Srbije.

Nakon potpisivanja Istanbulske deklaracije, u diplomatskim krugovima se govorilo da je Boris Tadić praktično već tada obećao Harisu Silajdžiću da će slučaj Jurišić riješiti na najbezbolniji način. Da li bi se ovakva sudska odluka mogla pripisati tom napisanom sporazumu?

TIHIĆ: Moguće je da je to bilo i u okviru Istanbulske deklaracije, ali ta priča je bila prisutna kad sam ja razgovarao s predsjednikom Tadićem prilikom posjete Beogradu. I tad je predsjednik Tadić na neki način indirektno dao naslutiti da će taj slučaj biti riješen na zadovoljstvo bh. strane. Bio je dogovor da to ne

bude ni dio saopćenja za javnost, ali se moglo zaključiti iz tih razgovora da će otprilike ovakav ishod biti. To praktično znači oslobođajuću presudu. Tako će se završiti. Ne želim da prejudiciram šta će Sud BiH uraditi, ali mislim da će se taj predmet ustupiti Sudu BiH i da će on donijeti konačnu presudu.

Vratimo se domaćim temama: šta očekujete od sutrašnjeg dolaska američke državne tajnice Hillary Clinton? Hoćete li se susresti s njom?



Sulejman Tihić: "Dodik može da priča šta hoće, BiH je zauvijek, a ovo drugo je sve prolazno"

TIHIĆ: Otprilike nakon godinu i po od dolaska potpredsjednika Bidena, dolazi državni sekretar SAD-a, gospođa Clinton. Mi očekujemo da to bude jedan znak interesiranja američke politike prema Balkanu, posebno BiH. Očekujemo da to bude doprinos rješavanju određenih problema koji već dugo vremena u BiH nisu riješeni, jer su SAD kao jedan od učesnika Dejtonskog sporazuma, potpisnika, sve ovo vrijeme imale aktivnu ulogu. Aktivnosti koje su u BiH provodili njihovi diplomati i njihova politika, uglavnom su davale rezultate. Nadamo se da će u prioritetima američke politike, između ostalog i ovom posjetom, BiH dobiti više mjesto, veću pažnju.

Hoćete li se Vi sresti s njom?

TIHIĆ: Ne znam, još uvijek nisu precizirani svi detalji protokola.

Danas je britanski The Guardian objavio da se najviše očekuje pritisak na Milorada Dodika. U čemu bi se po Vašem mišljenju mogao ogledati taj pritisak?

TIHIĆ: Vjerujem da će i susreti gospođe Clinton biti otprilike tako koncipirani da razgovara sa onima koji imaju utjecaj u rješavanju problema u BiH, i onima koji na neki način mogu biti ili jesu smetnja prevaziženju problema. Među njima je svakako i Milorad Dodik. Ona ne treba da Tihića ubjeđuje u neka rješenja, jer ja to prihvatam.

Evo jednog konkretnog rješenja gđe Clinton, povodom pitanja državne imovine, navedenog u pismu predsjedavajućem Predsjedništva BiH: "69 nekretnina mora biti uknjiženo na državu i dato na upotrebu Ministarstvu odbrane prije nego Bosna i Hercegovina podnese svoj godišnji nacionalni program i iskoristi u potpunosti prednosti MAP procesa ove jeseni."

TIHIĆ: Pa sigurno, može se očekivati da ona od Dodika i onih koji prave te opstrukcije zatraži da prestanu s tim. Pogotovo kada mi svi dobro znamo da je Dodik proizvod, između ostalog, i američke politike. Druga je stvar što se on odmetnuo i kako sada radi.

Sudeći po tome, i Vi biste onda trebali korigirati svoj stav prema kojem "država ono što njoj ne treba prenosi u vlasništvo entiteta, kantona i općina"? U međuvremenu je u Narodnoj

skupštini RS-a prošao zakon kojim se državna imovina knjiži na entitet...

TIHIĆ: Ja sam najavio da ću, ukoliko taj zakon bude usvojen u Narodnoj skupštini RS-a, pokrenuti inicijativu kod Ustavnog suda, jer smatram da se radi o neustavnom zakonu koji nije u nadležnosti entiteta, nego potpuno u nadležnosti države. Dakle, i onaj sporazum koji smo mi pravili u okviru Prudskog procesa, predviđao je da sva imovina pređe u vlasništvo države BiH, da država uzme sebi šta njoj treba za sadašnje i buduće potrebe, a da ono što joj ne treba prenese na entitete, kantone, općine, itd.

Kako će država odlučiti šta joj ne treba? Rješenje koje spominjete je bilo obrazloženo formulacijama tipa "prvo na entitete, a istovremeno na državu..."! Hoće li država odlučiti treba li joj ili ne treba imovina koju je Dodik velikodušno dao na raspolaganje SPC-u, tačnije vladiki Grigoriću?

TIHIĆ: Svakako. BiH je jedini pravni sljednik bivše Socijalističke Republike BiH i samo ona može biti upisana kao vlasnik. Sva raspolaganja tom imovinom koja su bila u međuvremenu su nezakonita i bit će poništena. To će biti precizirano tim zakonom. Sigurno da i u Federaciji i u RS-u ima nezakonitog raspolaganja državnom imovinom, i to će sve biti predmet revizije.

Je li to krivica OHR-a koji je zaustavio proces knjiženja imovine na državu?

TIHIĆ: Ja također mislim da je tu OHR pogriješio. Mislim da nije trebalo, jer do sada nikada nije, da se miješa u presude sudova. Ovo je prvi put da je OHR zaustavio izvršenje presuda. Zaustavio je izvršenje nekih zakona, odluka vlada i svega, a prvi puta je OHR zaustavio izvršenje postupanja po presudama. Dosad se nije miješao u pravosudnu vlast.

Je li bolje kad se OHR miješa ili kad se ne miješa?

TIHIĆ: OHR treba da se miješa kada se radi o kršenju Dejtonskog sporazuma, kada smatra da se radi o kršenju Ustava. Ali ne treba da se miješa u pravosuđe. Pravosuđe je ipak nešto neovisno i od politike, pa treba da bude neovisno i od OHR-a.

Valentin Inzko će još otprilike godinu dana biti visoki predstavnik, kako biste komentirali njegov dosadašnji učinak?

TIHIĆ: Gospodin Inzko je jedan dobar čovjek, u prvom redu. Mislim da je i prijatelj BiH, međutim, snaga, moć Valentina Inzka i drugih visokih predstavnika zavisila je prvenstveno od podrške koju imaju od Upravnog odbora Vijeća za implementaciju mira, mislim prije svega od SAD-a i Evropske unije. Kada je ta podrška prestala, kad su čak, u nekom smislu, bile sugestije da ne koristi Bonske ovla-

sti, kada mu je čak zabranjivano da ih koristi, oslabila je i njegova moć.

Pa, imali smo brutalne sukobe na javnoj sceni između Inzkovog prvog zamjenika gospodina Raffija Gregoriana i gospodina Milorada Dodika, pa se OHR držao po strani.

TIHIĆ: To morate pitati Inzka. Ali, generalno mislim da nije dobro da visoki predstavnik i njegov zamjenik imaju različite pozicije. To ruši autoritet Ureda visokog predstavnika.

Pokazuje li to sve kolika je zainteresiranost međunarodne zajednice za ovaj, kako se to često pogrdno kaže, region?

TIHIĆ: Za razliku od drugih političara, ja sam ovdje prije svih shvatio da međunarodna zajednica neće raditi naš posao. Zato sam ušao u Prudski proces, vidio sam kakva je situacija. A mogao sam sjediti kao predsjednik stranke i ništa ne raditi. Ušao sam u Prudski proces i riješio pitanje amandmana za Distrikt Brčko, jedno teško pitanje koje u Daytonu nije bilo riješeno. Da nisam ništa radio, ne bi ni tada bilo riješeno. Bilo je riješeno pitanje državne imovine, i to na kvalitetan način. Ali je Dodik odustao

American Phone Service
BIG NEWS
GET 5% CASH BACK
AFTER 12 MONTHS OF SERVICE!
STIMULUS PACKAGE BY AMERICAN PHONE SERVICES!
 When you become a Customer you are automatically enrolled in this program! All you have and after 12 months of usage call us for your 5% cash back! Please call our customer service department for details about this program or visit APS' website!

Bosnia 8.9¢
Bosnia Cell 21¢

Dali znate koliko placate vase pozive za Bosnu? Provjerite vas racun i pogledajte nase cijene na odnosu na vase. Dobra vijest je da sa nama mozete uštediti vise od 30% ako probate nas servis i vidjet cete razliku samo u roku mjesec dana.

1-888-404-5951
 Mon -Fri 9am to 8pm Sat 10am to 4pm

APS **www.amphone.com**

nakon krivične prijave koja je podnesena protiv njega. I na kraju će to biti rješenje.

Priča o konstituiranju vlasti je neizbježna i sve se više stiče utisak da je to manje-više nemoguće. Vi ste zadovoljni rezultatom izbora, naročito zato što su pobijedile umjerene politike. Jeste li mislili na politiku Milorada Dodika ili Dragana Čovića?

TIHIĆ: (smijeh) Imaju dvije osnovne karakteristike ovih izbora. Da su u Federaciji pobijedile, pogotovo u ovom bosanskom, bošnjačkom dijelu, umjerene politike. Dvije trećine građana su glasale za umjerene politike, uvjetno rečeno u ovom bošnjačkom etničkom korpusu. To sam rekao. Nemojte izokretati da sam time mislio na Dodika i neke druge. Druga stvar, rezultati izbora pokazuju da se vlast može formirati bez bilo koga od ovih koji su pobijedili. Znači, može i bez SDA, i bez SDP-a, i bez SNSD-a, i bez HDZ-a. Ali to je veoma bitno, da niko ne može ucjenjivati. I treće, sve su prilike da će se na političku scenu vratiti učesnici Aprilskog paketa.

Dobro, kako ćete formirati vlast s Dodikom ili Čovićem? S predsjednikom HDZ-a BiH se danima dopisujete o sadržaju Prudskog paketa, o Dodiku da ne govorimo...

O Fahrudinu Radončiću

Ne dolazi u obzir koalicija s medijskim nasilnikom!

Političare, pogotovu kod nas, nije pametno držati za riječ ili insistirati na njihovoj principijelnosti, ali me stvarno zanima - može li Vam se vjerovati da nećete koalirati sa strankom Fahrudina Radončića, što ste u nekoliko navrata javno eksplicirali?

TIHIĆ: Budite sigurni da nećemo! Ja sam to rekao i u razgovorima s Lagumdžijom i Dodikom, ali više puta i u medijima - dok je Sulejman Tihić predsjednik SDA, mi nećemo ići u koaliciju s SBBiH Fahrudina Radončića! To je stav na kojem ću istrajati i to će sigurno biti stav SDA bez obzira na sve. Mi smo spremni biti i opozicija, što se mene lično tiče. Volio bih da kažete kada sam ja nešto slagao i rekao drugačije. Ja radim onako kao mislim da je dobro za BiH, za sve njene narode i građane. Vjerovatno i griješim, kao i mnogi drugi ljudi. Mislim da nije dobra ova pojava - taj čovjek, ti mediji koje on uređuje, način na koji to radi, provodi jedno medijsko nasilje, stalno izazivanje sukoba, diskreditiranje ljudi itd. I sve to praćeno sumnjivim motivima. Na kraju se pokaže kako je baš sve to u njegovom nekom ličnom interesu. Treba da svi žalimo što su takva razmišljanja, takva politika, takva zalaganja, dobili toliku podršku. I sada bi još trebalo ja da ojačam takvu retoriku? Ne dolazi u obzir! Što se tiče SDA, dok je Sulejman Tihić predsjednik, to neće biti.

TIHIĆ: Može Dragan Čović da priča šta hoće, ali mislim da i vi kao novinar, i svako drugi ko hoće da se informira, treba da pročitate šta je napisano i potpisano. Nigdje se ne govori o etničkim jedinicama. Govori se o četiri teritorijalne jedinice središnjeg nivoa vlasti. Distrikt nije središnji nivo vlasti. Po Ustavu BiH, Distrikt je jedinica lokalne samouprave. Prema tome, ta Čovićeva izjava je netačna. To je laž jer iz dokumenta proizlazi drugačije...

Ali, ja ne mislim da Čović ne zna šta piše u dokumentu...

TIHIĆ: Onda ne morate vi to predstavljati kao gotovo... Čović nije u poziciji da ucjenjuje. Mi možemo bez njega formirati vlast. Smatram da je red, ako želimo poštovati volju građana, da se najprije pokuša formirati vlast s onim političkim strankama koje su dobile tu podršku.

Možda možete u Federaciji, na državnom nivou sigurno ne možete. Zbog Dodika i njegovog stava prema SDP-u, recimo.

TIHIĆ: Dodik neka vodi računa o svom paketu koji će donijeti iz RS-a jer treba da osigura neophodan broj glasova za izbor Vijeća ministara. Mi ćemo iz Federacije osigurati podršku potrebnog broja poslanika. Hoće li u tom paketu biti HDZ BiH, hoće li biti SDA, koje će biti stranke, to je sada stvar naših razgovora. Mislim da treba razgovarati i s HDZ-om BiH. Ali ne želim da nas bilo ko ucjenjuje. Dragan Čović priča o nekakvom hrvatskom stolnom gradu u Mostaru. Nema šanse! Nije moglo biti '92., '93. godine, kako će moći sada? Ako tako nastavi, neće imati partnera bilo gdje, u bilo kojoj stranci ovdje.

Čović smatra da je SDP oštetio Hrvate isturanjem Željka Komšića u Predsjedništvo, a nimalo ne pomaže ni stav SDP-a o mjestu predsjedavajućeg Vijeća ministara.

TIHIĆ: Najveća odgovornost je na pobjednicima: SNSD-u i SDP-u BiH jer su dobili najveću podršku građana. SDA će biti dio rješenja. Mi nećemo po svaku cijenu u vlast, to da znate. Ali imamo odgovornost prema onim biračima koji su glasali za nas, imamo odgovornost prema državi.

I dalje mi nije jasno o čemu ćete se dogovoriti s Dodikom? On je u poziciji da svoju diktaturu održava unedogled, i svoju politiku formulira u jednostavnu sintagmu: RS zauvijek, a BiH dokle mora.

TIHIĆ: Dodik može da priča šta hoće, BiH je zauvijek, a sve drugo prolazno. Smatram da bi najbolje bilo da sve ove političke stranke kao osnovu svog budućeg programa i djelovanja i formiranja koalicije uzmu Aprilski paket i da već na samom početku promijenimo Zakon o Vijeću ministara i uvedemo dva nova ministarstva, promijenimo način rada onako kako je predviđeno u Aprilskom paketu, imamo efikasnije i funkcionalnije Vijeće ministara, da ubrzo usvojimo ustavne reforme u okviru onoga što smo dogovorili u Aprilskom paketu...

Može li se taj paket vratiti? Dodik kaže da nema teorije.

TIHIĆ: Dodik priča puno toga.

Moram insistirati: šta je kompromis s Dodikom?

TIHIĆ: Mi se možemo s Dodikom svađati i nećemo ništa riješiti. Je li tako? On je tu najjači. U svađi, bezobrazluku, itd. A možemo voditi dijalog i praviti neke dogovore, kao što je bio i Aprilski paket, kao što je bio i ovaj amandman za Distrikt Brčko, pa nešto riješiti. Ne baš idealno kako bismo svi željeli, ali ipak napraviti progres. S Dodikom je zato bolje razgovarati, nego se svađati. Mislim da je, na kraju krajeva, interes Srba i RS-a da država BiH funkcionira. On mora u podsvijesti znati da je ta priča o nekakvoj secesiji nerealna i da je time nanio najveću štetu srpskom narodu. Vidite kako su završili takvi lideri koji su pričali velike priče i vodili radikalne politike u bližoj historiji. Vidite koliko su nanijeli zla ne samo drugom, već i svom narodu.

LERO TRAVEL
Phone 404-660-0910
Enver Sejtanic



1405 Wheatfield Drive
 Lawrenceville, GA 30043

enver@lerotravel.com
 Save money Book online
www.lerotravel.com

Admir Terzic
 REALTOR®
Committed to Five Star Service

Cell: (407) 697-1157
 Bus: (407) 644-5385
 Fax: (407) 644-7033
 Email: AdmirTerzic@earthlink.net
 Website: www.AdmirTerzicRealtor.com



Welchert
 Realtors
 Realmark Properties

431 W. Morse Blvd., Suite 115 • Winter Park, FL 32789
 Independently Owned and Operated

The Real Estate
Admiral

I opet ostaje mogućnost beskrajnog održavanja statusa quo, ostaju mehanizmi koji su i do sada korišteni za blokiranje države.

TIHIĆ: Znam da on to može.

Onda to i nije bogzna kakva pljačka, ili politička trgovina?

TIHIĆ: Pitanje zašto smo u ovakvoj situaciji treba postaviti onima koji su srušili Aprilski paket. Tada nije srušen samo Aprilski paket, srušena je politika dogovora i sve se vratilo na politiku isključivo vlastitih maksimalističkih težnji i ciljeva. I za to je najmanje odgovoran Sulejman Tihić i SDA, koji je uvijek težio nekim dogovorima. Ja sam i sada, u ovoj situaciji, svjestan svega. Vjerujte, više sam bio zabrinut za vrijeme poslije izbora, nego za izborni rezultat SDA. Svjestan sam u kakve poteškoće možemo zapasti, znam kakva je situacija u BiH. Znam šta govori Dodik, a šta Čović, znam politiku SDP-a, znam međunarodnu zajednicu koja neće ništa uraditi, samo će govoriti: "Eto, vi se dogovorite", itd. I sada, u jednom takvom kontekstu treba naći neki zajednički imenitelj, formirati vlast i rješavati probleme koji su nagomilani, s eto, jednim takvim, između ostalog i Dodikom koji daje takve izjave. A u Dejtonskom sporazumu ima mehanizme da može blokirati, zaustavljati sve.

Koliko je pristojno, ili politički korektno, održavati kontakte sa čovjekom koji brutalno vrijeđa, negira genocid, ispod svih civilizacijskih normi?

TIHIĆ: Nije lako, da budem iskren. Nije lako bilo ni rahmetli Aliji Izetbegoviću da razgovara s Karadžićem i inim zlikovcima, a morao je. Šta je alternativa? To uvijek pitam one koji me kritikuju što razgovaram sa svima.

Vi ste poznati po ponavljanju tog retoričkog pitanja "šta je alternativa".

TIHIĆ: To sam naučio od rahmetli predsjednika Izetbegovića. Kad ja nisam bio zadovoljan nekim njegovim rješenjima, uvijek mi je to govorio.

Je li alternativa pravljenje Zapadne Njemačke od FBiH?

TIHIĆ: Nije. Ne slažem se s tim. Ja razumijem zbog čega je to Lagumdžija rekao, objasnio mi je koji su razlozi, ali mislim da to nije dobra izjava. Ja mogu razumjeti da se to može reći, ne mogu odobriti, ali mogu razumjeti. Mogu razumjeti da to kaže Dodik, ali za mene, za sve bh. političke snage, na prvom mjestu je država, pa tek onda entiteti, kantoni, itd. U tom slučaju se pravi nekakva zlonamjerna paralela - u smislu i jedni i drugi hoće neku vrstu podjele. Zato mislim da bi naš prioritet morao biti država, jer je lakše konstituirati vlast na državnom nivou nego u Federaciji. Kraći su rokovi, jednostavnije su procedure. Mi to možemo do nove godine...

I procedura oko predsjedavajućeg Vijeća ministara?

TIHIĆ: Mislim da to pitanje predsjedavajućeg neće biti tako

teško, da će se ipak moći riješiti.

Vi ste vrlo lukavo prepustili SDP-u da se krčka u tom loncu.

TIHIĆ: Ja ću podržati ono što predloži stranka koja je dobila najviše glasova. Normalno, ona ima odgovornost da vodi računa i o ovome državnom, i etničkom, i svemu drugom. Odgovornost je ovih koji su dobili izbore, kojima su građani dali podršku, da predlože predsjedavajućeg Vijeća ministara, i mi ćemo to podržati. Oni prilikom svoje odgovornosti moraju voditi računa i o nepisanim, pisanim pravilima i svemu što BiH jest.

Strani mediji su jako pesimistični kada je u pitanju budućnost BiH. Kažu čak da je ova posjeta Hillary Clinton zadnji pokušaj pomoći američke administracije Bosni i Hercegovini.

TIHIĆ: Opet kažem - odgovornost za ovo stanje snosi svakako ova politika koju u RS-u predstavlja Dodik, ali snose i oni koji su odbili Aprilski, ali i Butmirski paket. Dva puta SAD-u reći ne, drugi put i Evropskoj uniji, i očekivati da SAD ponovo dođu i nešto urade... To pitanje treba prvo postaviti onima koji su sve odbili.

Vi se sjećate, paralelno su u RS-u donošeni zakoni kojima su brisani prefiksi "bosanski" iz imena gradova, spomenuli smo i taj Zakon o državnoj imovini, pa onda insistiranje na entitetskom zakonu o popisu, itd. Dakle, paralelno se, uz kompromise, ruši državnost BiH. To nije korak naprijed.

TIHIĆ: Problem je u tome što nema dijaloga. Nakon prestanka Prudskog procesa, prestao je dijalog. Nije bilo više nikakvog dijaloga između politika u Sarajevu, Banjoj Luci, itd. I onda je Dodik radio šta je htio. A imali smo pasivnu poziciju OHR-a. Umjesto da OHR poništi te zakone, da poništi prijedlog Vlade, itd., oni su jednostavno šutjeli.

Oni su se mogli pozvati na svoje odluke od prije pet godina...

TIHIĆ: Pa, normalno. Ali eto, neće to da urade. I mislim da neće ni u budućnosti. Ne mislim da će posjeta gospođe Clinton nama donijeti nekakva rješenja. To će više biti poticaj nama, domaćim političarima, da radimo i tražimo rješenja. Često mi dođu predstavnici međunarodne zajednice i kažu: "Dogovorite se", ja jesam za dijalog i dogovor, ali je veoma teško dogovoriti se s nekim ko je zadovoljan. Kažem im da je Dejtonski sporazum nepravedan. Jedan je narod dobio pola BiH, i dobio pola prava na BiH, a druga dva naroda zajedno su dobila drugu polovinu države. Kako da mi sada ubijedimo onoga ko je u prednosti? Ima tapiju, potpisanu od SAD-a i svih drugih. Uvijek ističem kako nije korektan stav međunarodne zajednice koja kaže: "Hajde se vi dogovorite", a neće da se uključe.

Pravda za Iliju Jurišića

U ponedjeljak 11. oktobra 2010. godine u 10:00 sati Vijeće Apelacionog suda trebalo je da izrekne svoju presudu u slučaju Ilije Jurišića koji je u prvostepenom postupku osuđen na 12 godina zatvora zbog "upotrebe nedozvoljenih sredstava" na kolonu JNA koja se u maju 1992. povlačila iz Tuzle. Na odluku su se žalili Tužilaštvo Srbije za ratne zločine i Jurišićeva odbrana. No, kako se po prvi put desilo da ni Tužilaštvo ni odbrana nemaju ništa protiv da mediji snimaju izricanje presude, moralo se čekati da odluku o tome donese nadležna - predsjednica Kasacionog suda Nada Mesarević. U prepunoj čekaonici supruga i sestra Ilije Jurišića sa zebnjom su čekale šta će reći predsjedavajući Apelacionog vijeća Siniša Važić.

Prvostepeno vijeće Okružnog suda u Beogradu, kojim je predsjedavala sutkinja Vinka Beraha-Nikičević, 28. septembra 2009. izreklo je presudu kojom je Ilija Jurišić proglašen krivim jer je "Jurišić, koji je pripadao muslimansko-hrvatskoj strani, u sukobu na području Tuzle, kobnog dana bio dežurni u štabu, i suprotno ranije postignutom dogovoru između SRJ i BiH o mirnom povlačenju jedinica JNA izdao naredbu za napad snagama koje su bile pripremljene u okolnim zgradama maršrute kojom je kolona morala proći nakon čega je usledila pucnjava na vojnike u koloni koji nisu bili spremni na pucnjavu. Posledica napada bilo je 50 mrtvih vojnika, 40 ranjenih i više uništenih vozila od kojih su neka bila sanitetska." Osim toga, sud je "utvrdio da je Jurišić komandovao i bio dio lanca komandovanja".

U međuvremenu se desio slučaj Ganić i londonski sud je utvrdio da Sporazum o povlačenju JNA s teritorije BiH nije nikad postojao o čemu je zvanično upoznat i Apelacioni sud. Novi svjedoci su tvrdili da na "kolegiju svih komandira stanica milicije nije bio Ilija Jurišić i da on nije imao naredbodavnu ulogu u odnosu na pripadnike njegove stanice". "Tu noć je bio samo dežurni i prenosio je načelniku informacije koje su njemu prenosili komandiri stanica milicije", ustvrdio je pred Apelacionim vijećem Selim Šabanović, tadašnji komandir Rezervne stanice milicije Senjak u Tuzli. Ekrem Selimović, komandir rezervne stanice Slavinovići u Tuzli, mislio je da je "naređenje izdao Muhamed Brkić, a kasnije je saznao da je to bio glas Ilije Jurišića koji inače nije mogao da izdaje naređenja". Ivica Divković, tadašnji komandir 1. manevarske jedinice milicije u Tuzli, ispričao je: "Tri-četiri minuta nakon pucnjave čuo se glas Ilije Jurišića, koji se prvi put javio tog dana, kako kaže: 'Na vatru odgovorite vatrom.' Nisam uspio bilo kome prenijeti tu naredbu jer ostali nisu imali sredstva veze. Kada su sutradan pričali o događaju, neki milicajci su prvi put čuli da je takva naredba izdata. Optuženi Jurišić nije imao naredbodavnu ulogu već je dežurao u kancelariji načelnika."

Slučaj Jurišić je od početka, još kad je ovaj Tuzlak uhapšen na beogradskom aerodromu 11. maja 2007., dobio političku konotaciju i tužilac Vladimir Vukčević iz Tužilaštva za ratne zločine Srbije sebi je preko Ilije Jurišića obezbjeđivao poene u srpskoj javnosti. Njegova optužnica protiv Jurišića je

bila u interesu i zvaničnog Beograda jer se njome dokazivalo da su u BiH bili sukobi u kojima su podjednako učestvovali sve strane, osim JNA i Srbije koja se izvlačila iz bh. sukoba. Nastavlajući ono što je Vukčević započeo, sutkinja Beraha-Nikičević je nastavila donoseći jedinu presudu koju je srpska javnost očekivala: Jurišić je proglašen krivim.

Iako su se pojavili novi dokazi, s obzirom na brojne propuste koji su napravljeni u prvostepenom suđenju, malo je onih koji su tog 11. oktobra sa sigurnošću očekivali da Apelacioni sud donese pravednu odluku.

Tačno u 12 i jedan minut sudija Siniša Važić je saopćio odluku Apelacionog suda: "Ukida se prvostepena presuda i vraća na prvostepeni sud. Iliji Jurišiću se ukida pritvor." Nije bilo nikakvih reakcija, kao da niko nije vjerovao u ono što je Važić rekao i svi su pažljivo slušali objašnjenje koje je uslijedilo: "Pokrenut je žalbeni postupak nakon presude protiv Ilije Jurišića koji je proglašen krivim zbog upotrebe nedozvoljenih sredstava borbe i osuđen je na kaznu zatvora u trajanju od 12 godina. U žalbama koje su izjavili odbrana nezadovoljna visinom kazne i tužilac za ratne zločine tražeći strožiju kaznu Veće je zakazalo javnu sednicu nakon čega je ocenilo kako je činjenica da u dokaznom postupku pred prvostepenim sudom nije izveden određen broj dokaza. Sudsko veće drugostepeno suda zaključilo je da je potrebno da bi se utvrdilo činjenično stanje, u prvom redu na okolnost postojanja tog perfidnog plana, odnosno korišćenja nedozvoljenih sredstava borbe, saslušati još neke svedoke."

U nastavku je Važić objasnio: "Postupak pred drugostepenim sudom nije u mogućnosti da u toj širini radi i istražuje kako to može prvostepeni sud tražeći i držeći se načela materijalnih dokaza. Zašto to govorim? Nakon zaključenja pretresa pre dva dana kada smo počeli da većamo zaključili smo da nama i dalje nedostaju razlozi kako u prvostepenoj presudi tako i dokaznih tvrdnji koje bi utvrdile odnosno oborile navode bilo optužbe bilo odbrane koji se tiču nekih nama veoma važnih stvari. Jedna od stvari na koje treba obratiti pažnju je činjenica: zašto se tuzlanski garnizon uopšte i povlačio i po čijoj naredbi se on povlačio iz Tuzle? (...) Jedna od suštinskih stvari koje se stavljaju na teret i koje najviše terete okrivljenog zapravo je činjenica da je on znao za taj perfidni plan i da je postupao u skladu s tim perfidnim planom kojeg je napravio Krizni štab Opštine Tuzla. O tome smo imali kontradiktorne dokaze... O ulozi tih kriznih štabova sud je pokušao da pribavi dokaze, međutim nije, i mi te dokaze nemamo, što bi bilo od važnosti za ono što se okrivljenom Jurišiću stavlja na teret: zloupotreba nedozvoljenih sredstava. Suprotno onima koji su očekivali da ćemo mi danas da donesemo presudu ma kakva ona bila, mi smo se odlučili da ukinemo prvostepenu presudu, da predmet vratimo prvostepenom sudu na ponovni postupak u odlučivanju, ali pred potpuno izmenjenim Većem. Druga stvar o kojoj smo morali da odlučimo jeste pitanje pritvora. Okrivljeni je u pritvoru od 11. maja 2007. godine. Nakon razmatranja svih ovih okolnosti Veće ovog suda je od-

lučilo da se okrivljeni Ilija Jurišić pusti na slobodu, da mu se ukine pritvor i on se od danas više neće braniti iz pritvora već je u tom smislu slobodan čovek. Vi (obraća se Jurišiću. op. a.) možete da idete s time što ste obavezni da ukoliko dobijete poziv za suđenje da se odazovete pozivu suda. Dakle, možete da idete kući. Na ukidanje o rešenju pritvora nije dozvoljena žalba. Jurišiću, pridite da vam uručim rešenje.”

Kad je prišao, Jurišić je drhtavim i tihim glasom izgovorio: “Hvala”, na šta mu je Vazić odgovorio: “Šta mi zahvaljujete, ja samo radim svoj posao. Samo napišite današnji datum, ime i prezime. Sedite sa strane, vidim da vam drhte ruke, nema potrebe.”

Očito tek tada sigurni da će Ilija Jurišić napokon biti pušten iz zatvora, njegova supruga i sestra sa suzama u očima zagrlile su jedna drugu dok su im sa svih strana čestitali prijatelji iz Tuzle koji su sa njima došli da im daju podršku. Među njima i Sinan Alić, predsjednik Fondacije Istina Pravda Pomirenje iz Tuzle, sigurno jedan od najzaslužnijih za ovakav ishod suđenja.

Za nas je Alić, već zauzet pripremama za Jurišićev povratak kući, kratko prokomentirao: “Obrazloženje suda je korektno. Samo da čovjek dođe kući. Ilija Jurišić će odlučiti hoće li ponovo doći i ima li povjerenje u pravosuđe Republike Srbije i hoće li doći ponovo na suđenje.” Njegov kolega Slavko Peričević, član Upravnog odbora Fondacije Istina Pravda Pomirenje, kaže da će “Ilija napokon, nakon tri i po godine vidjeti travu. Rekao nam je da je poželio da prošeta Tuzlom i vidi travu”.

Iz sudnice je Ilija Jurišić vraćen u Centralni zatvor da pokupi svoje stvari i završi potrebnu dokumentaciju, dok su njegova supruga, sestra i prijatelji krenuli u bh. ambasadu gdje ih je čekao ambasador Boriša Arnaut. Od samog ulaza su počela čestitanja. Njegova supruga je samo ponavljala: “Ovo sam čekala tri i po godine, samo da se Ilija vrati kući.” U ambasadorovoj kancelariji vesela atmosfera. Prepričava se po ko zna koji put svaki detalj odluke Apelacionog suda i ponavlja najbitnije: Ilija će napokon kući.

Ilijina sestra govori: “Od četvrtka, kad sam sanjala da je moj brat pušten, da ga grlim i ljubim, ja sam sretna.” Dok briše suze koje ne prestaju teći, govori: “Samo da ga zagrlim.”

Ambasador Arnaut nam komentira odluku Apelacionog suda: “Ilija Jurišić je na slobodi i to je najbitniji dio odluke drugostepenog suda. Manje je bitno ovo vraćanje na prvostepeni sud gdje će se razjasniti neki dokazi koji idu Iliji Jurišiću u korist. Jeste na neki način kompromisna odluka, ali je vijeće bilo izuzetno korektno, suđenje je bilo korektno i izvedeni su svi dokazi koje je propustilo prvostepeno vijeće da izvede, a to se odnosi na nepostojeći sporazum, saslušanje svjedoka, dakle apsolutno je sad postupak profesionalno proveden.”

Na naš komentar da se od početka radilo o političkom procesu, ambasador Arnaut kaže: “To je najviše dokazano na londonskom procesu u slučaju Ganić gdje je londonski sud tvrdio da se radi o političkom procesu, dakle neprofesionalnom odnosu, i mislim da je to dosta uticalo i na ovu odluku Apelacionog suda. Jako je bitno i da je određeno potpuno novo vijeće u prvostepenom postupku, dakle nema se povjerenja u vijeće koje je vodilo prvi postupak. Mislim da će novo suđenje biti profesionalno i da će Ilija Jurišić dokazati da je nevin, iako niko u to i ne sumnja. Dakle, pravda je pobijedila nad arogancijom onih koji su više od tri godine procesuirali Jurušića. Mislim da srbijansko pravosuđe treba sada zauzeti

jedan novi kusus koji će dati i kredibilitet i legitimitet pravosuđu da ne rade više ovakve stvari.”

Malo prije 14 sati izlazi Ilija Jurišić. U rukama nosi dvije velike crne kese od smeća, u njima su tri i po godine njegovog života. Osmijeh mu ne silazi s lica. Iako vidljivo uzbuđen i zbunjen zbog svega, staje pred okupljene novinare. Sinan uzima kese iz njegovih ruku i nosi u automobile. Pitanja pljušte sa svih strana: Kako se osjeća? Šta poručuje Tuzli koja je sve vrijeme bila uz njega? Hoće li doći na ponovno suđenje u Srbiju? Šta će prvo uraditi kao slobodan čovjek?...

Jurišić strpljivo odgovara: “Ja se istine nisam bojao od samog početka, samo sam se bojao da li ću je dočekati s obzirom na moje zdravlje i moje godine. Ali, ipak sam dočekao da izađem. Sa slobode se sasvim drugačije braniti nego tamo (glavom pokazuje na zatvor) u onom okruženju. Ja sam mojom Tuzli napisao četiri pjesme pa ću im pročitati kad dođem. Naravno da ću doći na suđenje u Beograd. Ja se istine ne bojim. Teško je reći kako se osjećam. Prvo ću svoje unuke izljubiti. To mi je prvo. Puno sam ih poželio... Šta da vam kažem, ovo je trenutak koji ja smatram svojim rođendanom. Ponovo sam došao na svijet.”

Nakon toga Jurišić sjeda u automobil i kreće u pravcu bh. ambasade. Dok se zbunjeno okreće oko sebe, kaže: “Gledam da me ponovo neće uhapsiti...” Sinan kaže: “Nema tebe ko da hapsi. Ako tebe uhapsi, i nas će. Auto ne napuštamo.” Gospodin koji vozi automobil ambasade ohrabrujućim glasom Jurišiću govori: “Ne bojte se, ovdje ste sigurni.” Sinan Iliji objašnjava da idemo u ambasadu, na šta Jurišić pita da li je ambasador tamo. Sinan odgovara: “Jeste, tamo je i supruga, svi čekaju. Napravili smo raspored i idemo za Tuzlu.” Jurišić kaže: “Sinane, ja moram vidjeti moje unuke. Posebno starija je vezana za mene, pošla je u školu ove jeseni. Kad je bila u Tuzli, tražila me je po svim prostorijama gdje sam, i kad me nije našla, rekla je: ‘Bako, ja sam jako tužna.’ Sinan kaže da to neće biti problem i dalje objašnjava: “U Tuzli pripremaju doček, ja ne znam gdje, na Mejdanu, ili pred Opštinom, grad se uzburio.”

U tom trenutku zove gradonačelnik Tuzle Jasmin Imamović. Sinan daje Iliji telefon. Imamović pita kako se osjeća, Jurišić odgovara: “Slobodan sam čovjek poslije tri i po godine. Moram unuke posjetiti na pet minuta, to je jače od svega...” Načelnik mu s druge strane objašnjava da ne zna koliko je pametno da se zadržava u Beogradu i da bi možda najbolje ipak bilo da odmah krenu za Tuzlu, na šta Ilija odgovara: “Ti znaš koliko sam ja uvijek bio disciplinovan i prema sebi i prema drugima. Hvala puno, vidjet ćemo se za nekoliko sati.” Imamović mu govori kako je cijela Tuzla na nogama i kako mu spremaju doček. Ilija drhtavim glasom komentira: “Ja sav treperim od sreće i zadovoljstva.”

Pred bh. ambasadom dočekuje nas širom otvorena kapija. Ispred ulaza su ambasador, Ilijina supruga, sestra, prijatelji, uposlenici ambasade... No, trenutak kad je Ilija zagrlio suprugu i sestru najpotresniji je. Malo je, bar ženskog dijela okupljenih, koji su se uspjeli suzdržati da ne zaplaču. Ilija se izvinjava okupljenima, kaže previše je uzbuđen. Pored njega supruga i sestra. Miluju ga po kosi, grle, ljube... Objasnjava: “Nisam vjerovao za svojih 67 godina da može tako nedostajati rodna gruda, ali kad tako iznenada odeš, udaljiš se, toliko ti počne nedostajati...” Ambasador obavještava da je sve spremno i da mogu krenuti. Ilija se zahvaljuje svima, opet pozdravljanja, čestitanja i napokon sjeda u automobil koji će ga odvesti kući...

PRIVATIZACIJA

Deutsche monopol

Nakon prodaje Telekomu Srbije, u najvećim problemima naći će se BH Telecom

Vlada Srbije raspisat će uskoro tender za prodaju 51 posto dionica Telekomu Srbije, jedne od najvećih i najprofitabilnijih tamošnjih kompanija, po minimalnoj početnoj cijeni od 1,4 milijarde eura. Tender će biti objavljen u Financial Timesu i predviđat će, kao i kod prodaje Mobtela, prijavljivanje zainteresiranih kompanija i provjeru tehničkih uvjeta, a nakon toga i aukciju. Odluka Vlade predviđat će i podjelu 15 posto besplatnih dionica građanima, kao i 6,4 posto sadašnjim i bivšim zaposlenima u Telekomu Srbiji.

Među zainteresiranim kupcima su francuski France Telecom, austrijski Telekom Austria, egipatski Orascom i njemački Deutsche Telekom. Ukoliko jedna od ovih kompanija bude spremna platiti barem 1,4 milijardi eura, mogla bi već od nove godine postati većinski vlasnik Telekomu Srbije.

No, u cijeloj ovoj priči za BiH je važan sljedeći detalj: s obzirom da je srbijanski telekom vlasnik banjalučkog telekom operatera, budući kupac Telekomu Srbije dobit će u paketu i vlasništvo nad Telekomom Srpske i crnogorskim M-Telom.

Kako prenose mediji iz Srbije, trenutno najviše izgleda za preuzimanje ima egipatski Orascom, koji žarko želi da načini prodor u Evropu, te njemački Deutsche Telekom, koji preko grčkog OTE-a već indirektno posjeduje dvadesetak posto Telekomu Srbije. Iako se vjeruje da bi egipatska kompanija mogla na aukciji ponuditi najveću cijenu, špekulira se da bi ipak Deutsche Telekom mogao preuzeti ovog regionalno najvećeg telekom operatera.

A ako Deutsche Telekom preuzme Telekomu Srbije, to će se automatski odraziti i na tržište telekomunikacija u Bosni i Hercegovini. Naime, prema našim zakonima, koji su zapravo prepisani iz evropskih zemalja, nedopustiva je velika koncentracija vlasništva u bilo kojem segmentu tržišta, kako bi se izbjeglo stvaranje monopola. To se, naravno, odnosi i na tržište telekomunikacija.

S obzirom da je Deutsche Telekom već prisutan na našem tržištu preko T-HT-a Zagreb i Hrvatskih pošta Zagreb, preko kojih kontrolira više od 40 posto dionica HT-a Eronet Mostar, ulaskom u vlasničku strukturu Telekomu Srbije, samim tim i Telekomu Srpske, Nijemci bi prema našim, ali i prema svojim zakonima, bili dužni smanjiti vlasnički udjel u jednoj od te dvije kompanije, kako bi se spriječila tržišna dominacija i

uspostavljanje monopola.

Branko Kecman, direktor banjalučke brokerske kuće Adventis Broker, izjavio je nedavno za lokalne medije da bi Nijemci, ukoliko pobjede na tenderu u Srbiji, mogli veoma elegantno izbjeći probleme na bh. tržištu. "Nijemci bi tu prepreku lako mogli prevazići bilo spajanjem Telekomu Srpske i HT-a Mostar, gašenjem slabije mostarske kompanije ili izlaskom iz vlasničke strukture HT-a. Koji model će Deutsche Telekom izabrati, zavisit će od njegove poslovne procjene i uklapanja u domaće zakonske okvire", kazao je on.

I zaista, to su dva veoma lagana i elegantna rješenja. HT Mostar bi se mogao pripojiti Telekomu Srpske, iako, istini za volju, za tu odluku treba i saglasnost većinskog dioničara mostarskog telekom operatera. No, budući da je u ovom slučaju većinski vlasnik HT-a Mostar Federalna vlada, koja kontrolira 50,1 posto dionica kompanije, to zaista ne bi bio prevelik problem, naročito ako se ima na umu sve ono što je Federalna vlada u zadnjih desetak godina radila u procesu privatizacije u većem bh. entitetu. Federalni su dužnosnici i do sada zastupali svoje privatne interese i interese raznih lobističkih grupa, a ne interese građana ili bh. kompanija, tako da se sada s pravom možemo pitati zašto bi u ovom slučaju bilo drugačije.

Naravno, ostaje i ovo drugo rješenje - gašenje slabije mostarske kompanije ili izlazak iz Deutsche Telekomu iz njene vlasničke strukture. Pri tome je ipak vjerovatnija ova druga opcija, jer gašenje HT-a Mostar ni Nijemcima nije u interesu, kada mogu, naprimjer, svoj udjel u mostarskoj kompaniji prodati, recimo, Telekomu Austria, koji je odavno zainteresiran za ulazak na bh. tržište. Naravno, i za tu odluku potrebna je saglasnost većinskog vlasnika, dakle Vlade FBiH, ali to, kako nas iskustvo iz zadnjih desetak-petnaest godina uči, nije zapravo nikakav problem.

U stvari, nakon prodaje Telekomu Srbije u najvećim problemima naći će se BH Telecom Sarajevo. Ulaskom bilo kojeg velikog telekom operatera u vlasničku strukturu Telekomu Srpske uzburkat će se odnosi i na bh. telekomunikacionom tržištu. A s Federalnom vladom, kao većinskim vlasnikom dva od trenutna tri dominantna telekom operatera na bh. tržištu, nijednoj od spomenute dvije kompanije dugoročno se ne piše ništa dobro.

MUST SELL

•BANK FORECLOSURES
•DISTRESS SALE

• FIXER UPPERS
• CORPORATE OWNED PROPERTIES

•HUD HOMES

FREE LIST WITH PICTURES UPDATED DAILY

WWW.GWINNETTDISTRESS.COM


WORLD TV ZIMSKI POPUSTI



Registrujte se za specijalnu prazničnu ponudu i uživajte u:

- WORLDTV Kućnom satelitskom sistemu (vrijednost 154\$)
- Pretplati za 2 mjeseca (vrijednost 64\$)
- Poštarini

165,00\$



Želite još više bosanskih kanala?

Dodajte danas BN Music Vašoj pretplati!*

8,99\$
mjesečno



Imamo još mnogo toga za ponuditi!


Gledajte besplatno ABC, CBS, NBC, Fox i druge lokalne kanale s našim vanjskim i unutrašnjim sistemom UHF VHF antene i uređaja za konvertiranje!***

69,99\$


BEZ MJESEČNIH PRETPLATA!



ANTENNA



INDOOR



OUTDOOR

Ne odlažite štednju! Registrujte se danas za WorldTV!

1.888.238.2643



Ponuda/usluge važe samo na području Sjedinjenih Američkih Država. Ponuda važi samo za nove pretplatnike. Potrebna 1-godišnja registracija na Autopay-u ili elektronsko plaćanje. Za svako otkazivanje naplaćuje se naknada od 150 dolara. *BN Music popusti stoje na raspolaganju samo pretplatnicima bosanskih paketa kanala. Nisu uključene moguće takse i troškovi obrade i instalacije. Plaća se naknada od 25 dolara nakon aktivacije. Mogu postojati određena ograničenja. Molimo vas da posjetite www.globecastwv.com, gdje možete pronaći spisak nezavisnih profesionalnih instalatera u Vašoj blizini. Nema povrata novca za ovu ponudu. Ponuda važi do 15.01.2011.g. **Nisu uključeni troškovi poštarine, porez na promet i troškovi obrade. Specifikacije i karakteristike ponude se mogu promijeniti bez obavještenja.

Granatiranje i prije doručka

U Haškom tribunalu suđenje Radovanu Karadžiću je nastavljeno ispitivanjem nekadašnjeg vojnog oficira za vezu pri misiji UN-a za bivšu Jugoslaviju, penzionisanog australskog generala Johna Wilsona. Wilson je, između ostalog, u odgovorima na pitanja ustvrdio kako je Sarajevo neselektivno granatirano od strane vojske bosanskih Srba, čemu je, kaže, i sam svjedočio.

Radovan Karadžić: Optužen za genocid, istrebljenje, ubistva, progone, deportaciju, nečovječna djela, djela nasilja s primarnim ciljem širenja terora među civilnim stanovništvom, protivpravne napade na civile i uzimanje talaca.

U ovom i idućim brojevima Europa magazina čitajte aktuelne detalje sa suđenja prvom predsjedniku Republike Srpske.

Svjedočeci o prilikama u Sarajevu pred Haškim tribunalom, nekadašnji vojni oficir za vezu pri misiji UN-a za bivšu Jugoslaviju, general John Wilson kazao je kako je naoružanje srpskih snaga bilo neuporedivo veće nego ono koje su imale snage ARBiH:

„Snage Predsjedništva jednostavno nisu imale dovoljan broj oruđa da bi mogle da otvore tako žestoku paljbu na grad, i zbog toga je, po mojoj proceni, to pripisano Srbima.“

Na te tvrdnje haški optuženik Radovan Karadžić, kojeg se tereti za genocid i druge zločine protiv čovječnosti, je kazao:

„Vidite, gospodine generale, da je tadašnji komandant Sarajevsko-romanijskog korpusa zabranio artiljerijskih oruđa u zoni korpusa i da se ona mogla upotrebiti isključivo po njegovom odobrenju.“

No, Wilson je ostao pri svojoj tvrdnji:

„Ja bih rekao da je onda on često davao svoja dopuštenja u tom slučaju, gospodine Karadžiću, jer je period od 14. maja do 24. juna bio period veoma žestokih operativnih dejstava, svakodnevno je otvarana artiljerijska paljba na grad Sarajevo - i malo je tu bilo pauza u granatiranju, tako da je ovo veoma slobodno tumačenje direktive.“

Granatiranje i prije doručka

Na tvrdnje optuženog da je u periodu od nekoliko mjeseci po srpskim dijelovima grada palo oko 5.000 granata, Wilson je odgovorio kako su srpske snage u pojedinim danima toliko granata znale ispaliti na grad prije doručka.

Karadžić je Wilsona najviše ispitivao o rasporedu vojnim snagama ARBiH, povredama primirja, te navodnim zatočeničkim centrima u kojima su u Sarajevu držani Srbi, o čemu se Wilson nije mogao izjasniti.

Karadžić je u nekoliko navrata pokušavao osporiti kredibilitet svjedoka tvrdnjama da ne za oko 100 činjenica ključnih za poziciju na kojoj se svjedok svojevremeno nalazio, na šta je Wilson kazao kako je sve informacije potrebne za njegov rad imao, ili mogao imati.

Wilson, također, nije mogao potvrditi Karadžićeve navode da se u Londonu na mirovnoj konferenciji srpska strana sa 70 posto teritorije, koju je kontrolisala, imala namjeru povući, te zadržati 52 posto teritorije, protiv čega su, navodno, bili i srpska skupština i vojni vrh.

Pitajući svjedoka o etničkom čišćenju pojedinih dijelova teritorija pod srpskom kontrolom, Karadžić je naveo primjer Trebinja, odnosno da je SDA izdala tajno uputstvo da se isele građani muslimanske nacionalnosti kako bi kasnije mogli Srbe optužiti za etničko čišćenje. Svjedok je kazao kako nije bio upoznat s ovakvim tvrdnjama.

Svjedočenje je nastavljeno ispitivanjem Momčila Mandića, koji je na početku rata u BiH bio pomoćnik republičkog ministra unutrašnjih poslova, a s proljeća 1992. imenovan je za ministra pravosuđa RS.

U nastavku svjedočenja, Mandić je odgovarao na pitanja tužioca haškog Tužilaštva Alena Tigera posvećena koncentracionim logorima koje se držali Srbi tokom rata.

Između ostalog, tužilac je od Mandića tražio da se izjasni o izvještaju Ministarstva unutrašnjih poslova Republike Srpske od 17. jula 1992. godine, u kojem se pominju neregularnosti i nečovječna ponašanja prema zarobljenicima.

„Ja vjerujem da je ovaj izvještaj tačan i da oslikava stanje na terenu, te zabrinutost i ministara policije i Vlade

**Tired Of
Competing
With Multiple
Offers???**

Beat other buyers to
HOT new Listings.
FREE personalized
list with pictures of
HOT new listings
that match your
Home Buying
Criteria.

www.DankaRealEstate.com



ADVOKAT

HENRI MATIJA ŠPEHAR

ATTORNEY AT LAW



Sve advokatske usluge na Vašem jeziku

Spehar & Associates, LLC Tel: 770-277-2181 Fax: 770-573-3779
3675 Crestwood Parkway, Suite 400, Duluth, GA 30096

Radi u oblastima:

- * Razvodi brakova
- * Bankroti (Ch. 7, 11, 13)
- * Osobne ozljede
- * Krivično pravo
- * Tužbe
- * Nekretnine / Closing
- * Poslovno pravo
- * Porezi / Takse
- * Opća praksa

**NOVA
ADRESA!**

da se krše ljudska prava na terenu, u pojedinim opštinama i pojedinim mjestima, gdje su ljudi nezakonito, odnosno protivno standardima Ženske konvencije, držani u zarobljeništvu. Nema razloga da sumnjam u ovaj izvještaj ministra policije," rekao je Mandić.

Mandić je dodao da je informacije o logorima dobijao od tadašnjeg predsjednika Vlade, Branka Đerića, da su neke on njih bile "uznemirujuće", ali da je Vlada RS povodom toga navodno "preduzimala mjere".

Usljedilo je pitanje da li je bio upoznat sa uslovima u logoru Omarska, da li je znao da je u centru medijske pažnje, te da je međunarodna javnost bila uznemirena nakon video snimaka i članaka.

„Ne sjećam se, gospodine Tiger," odgovorio je.

Mandić je u ovom maniru odgovarao i na druga pitanja tužioca Tigera o konkretnim ratnim zbivanjima – nije mogao da se sjeti.

Mandić je, inače, u svom prvom obraćanju, prije početka svjedočenja na suđenju Radovanu Karadžiću, zatražio je od Vijeća Tribunala u Hagu da bude smatran svjedokom Suda, a ne Tužilaštva.

Predsjedavajući Sudskog vijeća Haškog tribunala O-Gon Kwon odobrio je Mandićevu molbu, ali je kazao da će ga u interesu najboljeg izvođenja dokaza najprije ispitivati Tužilaštvo, a potom Radovan Karadžić, optuženi za genocid i zločine protiv čovječnosti.

U nastavku svjedočenja Momčila Mandića, tužitelj Alen Tiger je ispitivao je vezu između srpskog političkog vrha i paravojnih formacija, tačnije veze sa Željkom Ražnjatovićem Arkanom. Momčilo Mandić je istakao da je samo znao da je Biljana Plavšić bila ta koja je kontaktirala sa Arkanom. Nakon toga, tužitelj je pustio video snimku na kojoj se Radovan Karadžić zahvaljuje Arkanu i njegovim vojnicima što su odbranili srpski narod.

„Ja vam se duboko zahvaljujem i čestitam vam i nadam se da ćemo se sretati u miru, a vi ćete biti uvijek dragi gosti u srcima ljudi koje ste branili i odbranili. Hvala vam.“

„Gospodine predsedniče, u ime Srpske dobrovoljačke garde, želim da vam kažem dve reči, a to je da smo spremni i na vaš poziv da ćemo biti nazad, da branimo naša večna ognjišta, da branimo žene i decu, da branimo srpske teritorije i našu veru pravoslavnu. Hvala predsedniče!“

Tužitelj Alen Tiger ispitivao je koliko su predstavnici vlade mogli kontrolisati srpske lokalne zvaničnike na terenu. Tako je pušten snimak telefonskog razgovora između Momčila Mandića i načelnika opštine Iliđža i poslanika u Narodnoj skupštini Nedeljka Prstojevića:

„Ma vidi, molim te, dva-tri Muslimana stavi negde tamo, da kažemo da i mi zapošljavamo i Muslimane i Hrvate i Srbe, bez obzira na naciju, ako su lojalni srpskoj državi tako.“

Tužilac je upitao Mandića da li postojala kazna za one koji su provodili etničko čišćenje, na šta je on odgovorio da on nije imao ingerencije da bilo šta uradi.



Prizor iz ratom razrušenog Sarajeva

u maju 1992. godine.

Na pitanje da li je Komisija za ratne zločine Vlade RS, koja je formirana u junu '92., skupljala informacije o svim zločinama a ne samo one koji su počinjeni nad Srbima, Mandić odgovora:

„Nije ovdje naznačeno za koje, znači - za sve ratne zločine. Po-drazumijeva se to.“

Optuženi Radovan Karadžić tvrdio je da se sukobio i sa haškim bjeguncem Ratkom Mladićem, koji se protivio njegovoj odluci da sudove izmjesti iz Vojske RS i prebaci u Ministarstvo odbrane:

„Na prijedlog ministra vojnog to ste uradili i tada je došlo

do sukoba između vas i načelnika vojske, odnosno načelnika Generalštaba, gospodina Ratka Mladića.“

U svojim odgovorima Mandić je uglavnom potvrđivao da se rukovodstvo bosanskih Srba na početku rata nastojalo da sve radi, kako je naglasio - po zakonu.

(u idućem broju: Opsada je bila strateški cilj snaga bosanskih Srba)

Nakon toga, optuženi Radovan Karadžić počeo je ispitivanje svjedoka, za šta je imao ukupno 20 sati. Na početku ispitivanja Karadžić se bavio pregledom istorijskih događaja i temama iz prijeratnog perioda. Između ostalog, optuženi je u prvi plan stavio nacionalne podjele u Ministarstvu unutrašnjih poslova BiH.

Mandić je u svojim odgovorima insistirao na tome da se on lično zalagao za provođenje međustranačkog dogovora o podjeli čelnih funkcija u policiji, navodeći i primjer:

„Moje lično iskustvo je bio sukob sa načelnikom policije Malkom Koromanom iz Opštine Pale, koja je također gradska opština, sarajevska, gdje te strukture na Palama nisu htjele da postave za komandira pripadnika muslimanske nacionalnosti zato što u susjednoj opštini Stari Grad to nije učinjeno sa Srbima. To je bilo utuk na utuk, kako se to kaže. Čak je došlo do fizičkog obračuna između mene i Malka Koromana, jer sam mu ja naredio, naređivao i molio i tražio da to uradi, da ne može da gleda na druge koji ne poštuju zakon i međustranački dogovor. Ali, nisam uspio da ubijedim ni Paljane ni gospodina Koromana“, kazao je Mandić

U nastavku svog svjedočenja, Momčilo Mandić potvrđivao je navode optuženog da Vlada Republike Srpske na početku rata nije imala nikavih informacija o ratnim zbivanjima

FORECLOSURES

No / Low Down Payment
Starting at \$49,900.
FREE list with pictures.

www.gwinnettdistress.com

Free recorded message
1-877-499-6869
ID # 2002



www.bosnianyellowpages.us

besplatan upis kompanije

**OLUJE!
GRAD!
VJETROVI!**

HomeGuard Enterprises LLC

**Oštećen krov? Štete unutar i oko Vaše kuće?
Pozovite nas odmah!**

- * besplatna konsultacija i inspekcija Vaše imovine na Vašem jeziku
- * besplatna procjena
- * nećete platiti ništa iz Vašeg džepa za promjenu Vašeg krova
(mi ćemo se pobrinuti za Vaš deductible)
- * zastupajući Vaše interese, direktno radimo sa Vašim osiguranjem

Sulejman Mehić - "Sule"

678-283-7030

320 Congress Pkwy :: Lawrenceville, GA 30044 :: Office 770-709-4438 :: E-mail sulie@rocketmail.com

Olde Salem Apartments

- *2 Bedroom Apartment Homes
- *Total Electric
- *Free Water
- *Pool & Clubhouse
- *W/D Connections
- *Ceiling Fans, Mini Blinds & Drapes
- *Large Patios/Balconies

CALL FOR SPECIAL OFFERS*



NO APPLICATION FEE! **

**Za sve informacije na našem jeziku
obratite se Nermini. Tel: 770-963-7057**

345 Stone Mountain St. - Lawrenceville, GA 30045

Directions: I-85 North to 316 towards Lawrenceville/Athens.
Exit GA 120 East & turn right. Go about 1 mile to Langley Dr.
& turn right. Turn right at Constitution & turn right onto Stone
Mountain St. We are on the left.

*Prices & Specials Subject to Change. **With Approved Credit.

Modriča, miran grad i dobri ljudi

„Brzim preko Bosne“, danas se zaustavljamo u Modriči, gradu koji se počeo razvijati još u 13. stoljeću. Opština Modriča zauzima površinu od 297 kvadratnih kilometara i zauzima veoma povoljan geoprometni položaj.

Piše: Ljiljana Pirolić

Brzi voz upravo je prošao pored željezničke stanice u Blijašu, uskoro će stati u Podlugovima, zatim u Visokom, pa u Kaknju, gdje će izići rudar Mirhet Ćosić. Čitamo dnevne novine, gospođa Borka iz Sarajeva, koja putuje u Osijek, i ja i komentarišemo događaje iz naslova. „Cijele novine su kao jedna velika ‘Crna hronika’. Ničemu da se obraduješ, ništa da te razveseli,“ kaže Borka. „Ja se samo bojim socijalnih nemira,“ kaže Mirhet. „Zašto? Vi ste dolje u jami, niti šta

Brzi voz Ploče-Zagreb, preko BiH, putuje taman toliko brzo da studenti i penzioneri, njegovi najčešći putnici, mogu da razgledaju krajolik i ispričaju poneku životnu priču. Donosimo Vam priču o njima, ali i o ljudima kraj čijih kuća svaki dan prolaze vozovi koji putnike nose ko zna kuda.

vidite, niti čujete, ako do toga dođe,“ kažem, a zapravo ne mislim tako. Mirhet je zamišljen i lomi prste, a onda progovara. „Ustvari, možda bi trebalo dići revoluciju. Samo narod može skinuti ovu političku mafiju koja vodi državu. Sve propada, urušava se, a oni sebi povećavaju plate. Gdje to ima? Možda još u Africi i Južnoj Americi,“ kaže Mirhet. „Nemojte tako, opet bi bilo mrtvih, dosta je!“ kažem.

„Gospođo, da se svi udružimo, sva tri naroda, koja bi to sila bila. To bi bilo začas riješeno. Ne bi tu bilo nikakve borbe, da li bi oni petama vjetra. Koji mrtvi?“ neda se Mirhet u svojim ‘revolucionarnim’ procjenama. Borka i ja ponovo uranjamo u mračne novinske slike, dok se naš saputnik sprema da izađe. „Sjetićete se vi mene ovog proljeća, kad narod zaposjedne ulice i institucije države,“ kaže na polasku rudar Ćosić.

Pisak lokomotive najavljuje Modriču

Čim voz krene od Doboja prema Modriči, dočekuju nas posavska, blago zatalasana brda i nepregledne oranice, trago-vi rata na oštećenim kućama i nove, lijepje katnice sa šmekom srednjoevropske gradnje, donesene možda, iz Austrije, Švajcarske ili sa sjevera, iz Holandije. Njive su pripremljene za proljetnu sjetvu, čini se kao da je svako parče zemlje dotakla ljudska ruka i to ohrabruje. Biće hrane, ako već para nema.

U Modriči, kod željezničke stanice, u restoranu „Kod Šimuna“ je živo. Gazda ima jela tzv. domaće kuhinje, sve se puši od čorbica, koljenica i dobrog roštilja. „Bio sam u Švajcarskoj deset godina i tamo sam zaradio kad se moglo zaraditi, a onda sam se vratio. Nema Bosne nigdje. Ne bih je dao nizašta na svijetu. Bio sam ja i u Srbiji, ali Bosna je jedinstvena i kao zemlja i svi njeni ljudi. Može se i ovdje zaraditi, ko hoće da

radi,“ kaže gazda Šimun i dodaje da je on Srbin, ali mu svi dolaze.

„Mi obični ljudi odlično se slažemo i podnosimo, samo političari svoje rade...kroje nam kapu kako se dogovore. Eto, remont Rafinerije u Modriči je završen, za desetak dana bi trebalo da krene proizvodnja u punom kapacitetu, pa ćemo vidjeti šta će biti. Nekada je cijeli grad živio od nje,“ kaže Šimun.

I Bojan Vidić, zamjenik predsjednika opštine Modriča, uzda se u početak rada tek remontovanih pogona privatizovane Rafinerije Modriča, koju je prije dvije godine kupio ruski „Zaberežnjeft“. Kupac se obavezao da neće smanjiti broj zaposlenih. „I ne samo to, krajem prošle godine primljeno je još 30-tak radnika i raspisan je konkurs za još 20. Sad je zaposleno oko 550 Modričana u Rafineriji,“ kaže Vidić i dodaje da se očekuje povećanje obima proizvodnje motornih ulja koja će vjerovatno naći adekvatno tržište, čime će Rafinerija i dalje biti nosilac privrednog razvoja grada.

„Miletova“ prazna obećanja

Naravno da će naći tržište. Ko, još u bivšoj državi, nije u svog limenog ljubimca sipao modričko ulje „Optima“? Dobro, to su želje, ali da vidimo kako je u stvarnom životu. Nikola Mitrović kaže da se živi loše. Srela sam ga na ulici, nosi kreč koji prodaje na pijaci, jer od penzije (159 KM), ne može da živi. „Kad je Mile (premijer RS-a Milorad Dodik), prodavao Rafineriju Rusima, rekao je da će svaki građanin, svaki čovjek u Republici Srpskoj osjetiti da je to dobro prodato i da će svima biti bolje. I kad je Telekom prodavao isto je rekao, da nam svima bude bolje. Mi obični ljudi od te privatizacije nismo ništa osjetili, možda oni gore jesu. Ko je bliže vatri, on se i ogrije, ovi drugi zebu. E, mi smo vam skroz ozebli. Samo lažu narod i zamajavaju ga,“ kaže Nikola. „Ko laže?“ pitam. „Oni što smo ih izabrali!“ „Pa, što ste ih izabrali?“ „Nisam znao da su sposobni toliko da lažu,“ kaže ogorčeno.

Na ulici susrećem i Aleksandra, mladića koji kaže da ima previše svojih problema da bi uopšte razmišljao o gradskim, ili nedajbože, o državnim. Neka svako samo radi svoj posao. Aleksandar nije sasvim zadovoljan kulturnim sadržajima u gradu, jer nedostaje bioskop. „Kino bi nam trebalo pod hitno. A ostalih kulturnih sadržaja ima onoliko koliko ima para za Srpski kulturni centar koji prilično dobro radi,“ kaže Aleksandar.

„Kako to da grad sa tridesetak hiljada stanovnika nema bioskop?“ pitam Marka Raulića, animatora kulture u Srpskom kulturnom centru. „Radimo na osposobljavanju kinoprojektora i nadam se da ćemo uskoro imati filmske projekcije u našoj sali u kojoj se održavaju i pozorišne predstave, koje

PhotoWorld & Signs Inc.

Design • Printing • Installations • Service and More! 678 - 770 - 7715

VEHICLE WRAP

Full Wrap



Partial Wrap

GRAPHICS

Full Color
Posters

Banners

Flyers

Business Cards

RETAIL SHOP SIGNS

Channel Letters

Custom Neon

Light Box

Call us today
and you can get

**15%
OFF**

On your total purchase

Quality Service at Affordable Prices
Come and see us for special promotions!

5865 Jimmy Carter Blvd. Ste. 90
(In Vision Computers Plaza)
Norcross GA 30071

Visit our website at:
www.photoworldsigns.com

nam povremeno donesu neka pozorišta iz Srbije ili iz Banja Luke. Imamo i biblioteku sa 32.000 knjiga, Radio-Modriču koja emituje četiri sata gradskog programa i godišnje četiri velike kulturne manifestacije koje sami organizujemo,” kaže ovaj bivši profesor matematike i fizike, ali i bivši političar.

Markov recept za sretan život

Pitam ga kako on živi, jer, zna se, u kulturi nikada nije bilo puno para, a pogotovo sada ih nema. Marko Raulić nam svima nudi recept za sretan život. „Ja sam skroman čovjek i nemam velikih želja. Ako čovjek sebi postavi previsoke ciljeve i prevelike želje, onda on ima i patnje. Naprimjer, dignete kredit i kupite skupi automobil. Onda, morate stalno provirivati kroz prozor i gledati da vam ga ko ne ukrade. Eto patnje! Ako vam ga ipak ukradu, eto bola. Mislim da naši ljudi imaju za hranu i ono osnovno. Nestao je srednji sloj, došlo je do raslojavanja, tako da imate ogromnu većinu koja je siromašna i mali broj onih bogatih. Ja živim na selu i proizvodim zdravu hranu za sebe i svoju porodicu. Nisam nesretan čovjek, optimista sam, nemam velikih želja i funkcionišem. To mi je dovoljno. Ova kriza je donijela toliko stresa na psihološkoj ravni, da nije sretan ni onaj što ima, ni onaj što nema. Nove tehnologije, koliko god da su korisne, donijele su i otuđenje među ljudima,” kaže Marko Raulić.

Sve „čari“ Ramizine bamije

I priča Ramize Džambić je zanimljiva. Ona se iz Gašinaca u Hrvatskoj, gdje je bila izbjeglica, vratila u Modriču u najgore vrijeme, još u ratu, 1994. godine. „Živim onako, od poljoprivrede. Uzgajam bamiju na jednom dulumu zemlje. Sjednem na bicikl i klaj-klaj, na pijacu sa bamijom ispred sebe i iza sebe,” kaže 64-godišnja Ramiza.

„Znate li vi koliko naša Ramiza još ima snage?” pita imam Čaršijske džamije Hasib Kovač. „Ona bi mogla još na biciklu do Broda (Bosanskog Broda), stići sa bamijom. Sa mladima bi se mogla takmičiti, ko će prije.” „Jeste, efendija, ali šta će biti ako sutra više ne budem mogla?” pita Ramiza. Ima bolesnog muža i troje djece koja pomažu koliko mogu. „Sa Sr-

bima živimo normalno, niko nas ne dira, a prije je bilo svašta. Pozdravljamo se, ali ne idemo jedni kod drugih kao prije. Čestitamo jedni drugima praznike na ulici,” kaže Ramiza.

Mašina pametnija od bageriste

Efendija Kovač podsjeća da se u Modriču vratilo oko 70 posto Bošnjaka, uglavnom starijih ljudi, koji žive od penzija i poljoprivrede. To znači da ih sada ima oko 6.000. Svih sedam džamija je u ratu srušeno, i sve su obnovljene, kao i većina povratničkih kuća. Donatori su bili dobri i darežljivi. Izlazim

sa efendijom u harem Čaršijske džamije, jer namjerava da mi ispriča zanimljivu priču o kaburu (grobu), koji tu stoji. Primjećujem petokraku zvijezdu na svim ornamentima spomenika. Nigdje i nikada nisam to vidjela u Bosni i Hercegovini. Jedinstvo islamskih simbola i petokrake zvijezde u 19. vijeku.

„Vidite ove nišane i kabur?” kaže efendija. „Ovdje je sahranjen Osman Gradašević 1816. godine, obnovitelj

Čaršijske džamije. Ne znamo šta znači ova zvijezda petokraka, to niko nije odgonetnuo. Ali, kad su htjeli da sruše ovaj kabur u ratu, krajem 1992. godine, vozač bagera je tri puta palio motor i kretao na nišane, ali motor bi se uvijek ugasio. Mašina nije htjela da radi. Tako je ovaj kabur ostao čitav. Pitali su nas Srbi poslije, ko ovdje leži. Ja sam rekao, dobar čovjek. ‘Jeste dobar’ rekli su. ‘Čim mašine nisu htjele da rade.’” Ispade da je mašina bila pametnija od bageriste.

Sa ovom pričom sa sretnim krajem, napuštam Modriču. Prolazim pored katoličke crkve Rođenja Blažene Djevice Marije. Obnavlja se, zvonik je već završen. Velečasni Ivo Kopic kaže da se od prijeratnih 3.600 katolika, vratilo samo 250, uglavnom starijih ljudi. Mladih i djece nema. „Suživota ima, ali i neke bojazni, iako nema incidenata. Posao i egzistencija, glavni su problemi,” kaže župnik i dodaje: „Mogao sam i ja biti svećenik negdje u Hrvatskoj ili na zapadu, ali rekao sam, ovo je moja domovina i meni je mjesto ovdje sa ovim dobrim ljudima.”

U idućem broju: “Posljednja stanica Šamac”



Željeznička stanica Modriča

Zia Travel

Independent Travel Agent
Raziya Poric

6414 A. Hampton Ave, Suite 12
St. Louis, MO 63109

314-638-7347

toll free 877-540-6729

cell 314-600-3265

ziatravel@hotmail.com



ENROLLED AGENT

1685 Old Norcross Rd.
Ste B-900
Lawrenceville, GA 30046

Tel: 770-277-3830

Fax: 770-277-3840




finity

Tax and Accounting Services

Licensed to practice before IRS

- INCOME TAX
- BUSINESS TAX
- BOOKKEEPING SERVICES
- PAYROLL SERVICES
- INCORPORATION
- BUSINESS CONSULTING
- IRS AUDIT



NOW LEASING Atkinson Arbors Office Suites

- SECURITY
- JANITORIAL SERVICES

- GATED COMPLEX
- LOBBY & BREAK ROOM

starting at
\$185.00



up to
4,000 sq. ft.
available

Call 678-754-9703

1530 Atkinson Road, Lawrenceville, GA 30043

Koga sada voli Angelina Jolie...

Gavrilo Grahovac, federalni ministar kulture u tehničkom mandatu, ipak će dozvoliti Angelini Jolie da nekoliko scena svog redateljskog prvijenca snimi u Bosni i Hercegovini. Ono, službenik jedne regionalne vlade, činovnik sa zvučnom funkcijom, sekretaricom i službenim automobilom - fascinantno je, majku mu, kako se neželjena djeca dejtonskog uređenja ozbiljno shvataju iako su, zapravo, samo budžetski paraziti bez kojih se donose, manje-više, sve kapitalne odluke - smilovalo se i dopustilo jednoj nedokazanoj redateljici, ali poznatoj i nagrađivanoj glumici, te njenoj, dobrim dijelom bosanskohercegovačkoj ekipi, da radi. Grahovac je živi dokaz da nije svaki Gavriilo od principa, ma kakvi bili. Principijelno od njega bi, naime, bilo da ostane pri odluci o zabrani snimanja i zadnje dane žuljanja dupeta u fotelji ministra provede dosljedno. Jer mali (po funkciji, naravno) ministar za velike probleme je i do sada, perfidno i iz jasnog interesa - da bi, jednostavno rečeno, bio bitniji nego što treba biti - činio sve da Bosna ima film, a nema kinematografiju, odnosno sistem u kojem autorski rad ne ovisi o nivou dobrih odnosa sa, kako mu se tepa, Gavrom i njegovim prijateljima i saradnicima.

Jučer Ahmed, danas Angelina

“Tamo gdje prestaje logika, počinje Bosna”, kaže drugi, nižeopozicionirani ministar u, također, tehničkom mandatu, glumac Emir Hadžihafizbegović. Lijepo to, dijelom autoironijski, zvuči, ali nije do kraja tačno: unutarbosanska logika, kao, recimo tako, zasebna dramska struktura, ima svoja pravila koja kažu da ono što je jučer, prekjučer, prije pet-šest godina, bilo incident, danas je pravilo. A baš toliko, šest godina, prošlo je otkako je Ahmed Imamović bio javno “bičevan” zbog scenarija o dva homoseksualca, vojnika Armije BiH. Danas, 2010. godine, Angelina Jolie prolazi isto - samo



što je njoj lakše, jer uvijek može reći da joj se mrsko zajebavati s lokalnim činovnicima i nastaviti snimanje u Mađarskoj - zbog filma o Bošnjakinji koja se zaljubljuje u svog silovatelja i to nakon što joj je on otkinuo sisu! Negdje između, poslije Ahmeda, a prije Angeline, najuspješnija redateljica u povijesti bh. filma, Jasmila Žbanić, i jedan od globalno najcjenjenijih živih bosanskih pisaca, Aleksandar Saša Hemon, nazvani su promicateljima pedofilije, te ostavljeni bez sredstava Fondacije za kinematografiju, od kojih, inače, mogu snimiti manje od petine filma (koliko “mi” učestvujemo u domaćim ostvarenjima).

Imamović, Jolie i Žbanićeva su stranice trougla u kojem su se skupili diletanti, profesionalne žrtve, totalne nezalnice i korumpirani državni službenici. Scenario za film Angeline Jolie, baš kao što je davno bilo s Go Westom, osuđen je prije nego je pročitan i niko, zapravo, nema pojma da li stvarno posto-

ji scena sa silovanjem i kidanjem dojke, baš kao što ni kod Imamovića nije bilo vojnika Armije BiH - izuzev u sceni sna glavnog junaka. Jednako kao prije šest godina s Imamovićevim filmom, odnosno prije toga s dramskim tekstom Jasmina Durakovića Te sjajne godine opsade (u čijoj osudi sam učestvovao k'o zadnja budala, vjerujući tuđim doživljajima kraja predstave), danas se o djelu Angeline Jolie sudi unaprijed, na osnovu onoga što pričaju žene po brijaučnicama i muškarci na depilaciji.

Postoji puno definicija filmskog scenarija, pa nije krivo reći i da je to, zapravo, uputstvo za pričanje priče. Dok se ne ekranizira, scenario nije umjetničko djelo, onoliko koliko nije ni garancija kvalitete filma: od lošeg scenarija se ne može napraviti dobar film, dok se od dobrog teksta može napraviti loš film. Tako je, tek nešto manje nego na osnovu nagađanja, pogrešno procjenjivati kvalitet filma po onome što piše na nekih 120 strana formata A4. O tome, međutim, blagoga pojma



POLI MORTGAGE GROUP, INC.
If you are BUYING a new home or REFINANCING your existing home and looking for

- LOW MORTGAGE RATES • NO OR LOW CLOSING COST
- INSTANT PRE-APPROVAL • CLOSING ON TIME
- NO OR LOW DOWN PAYMENT • BRILLIANT CUSTOMER SERVICE
- FREE CONSULTATIONS

APPLY ONLINE: WWW.POLIMORTGAGE.COM/EROLJAGANJAC

Call now: 404-592-5519
 Erol Jaganjac
 Senior Mortgage Consultant
 Office 404-592-5519
 Cell 770-314-8280
 Fax 678-302-028
 Email: erolj@polimortgage.com

Poli
 Mortgage Group
 3950 Shackelford Rd., Suite 175 Duluth GA 30096 / Licensee # 23995


Member/Equal Housing Lender and Mortgage Broker (MCOB), New Hampshire State Mortgage Broker and Lender (NHB), Second Mortgage Lender (SML), Commercial Real Estate Mortgage Lender (CREML), Second Mortgage Lender (SML), Variable Mortgage Lender (VML), Variable Mortgage Broker (VMB), Home Improvement Lender (HIL), Bank Owned Loan Broker (BOLB), U.S. Bank Commercial Mortgage Lender (CML)



Joseph H. Rosen
 Immigration Attorney

- Spajanje porodice
- Zaručničke vize
- Sportske vize
- Poslovne vize
- Promjena statusa
- Američko državljanstvo
- Produžetak boravka

Law Offices of
Joseph H. Rosen, P.C.
 1875 Old Alabama Road
 Suite 720
 Roswell, GA 30076
www.jhrosenlaw.com
678-461-6046



**Bivši agent FBI
 i U.S. Customs**

nemaju oni što su bez dijela sredstava ostavili Otok ljubavi scenarističkog dvojca Žbanić - Hemon, dok one koji su jučer razapinjali Imamovića, a danas stavljaju zabrane Angelini Jolie, prosto, nije briga. Riječ je, naime, o pojavama koje zaista vjeruju da se veličina jednog naroda mjeri brojem njegovih ubijenih pripadnika, odnosno onima što su, prvo, profesionalizirali svoje stradanje, da bi povjerovali kako im preživljeni užas daje bezgranično pravo petljanja u ono o čemu niti su šta znali, niti su o tome nešto naučili.

Sloboda gluposti

U cijeloj, u osnovi jednostavnoj priči, najzanimljivije je ono što se nije dogodilo, a moglo je. Šta da je, dakle, Ahmed Imamović zaista snimao film o dvojici vojnika homoseksualaca; nešto kao Brocbeck Mountain, samo na Treskavici? Šta ako Jasmila i Saša na Otok ljubavi smještaju "svoju Lolitu"? Odnosno, šta ako Angelina Jolie zaista govori o žrtvi koja se zaljubljuje u dželata (što se u stvarnosti ne dešava, ali je u kvalitetno izvedenoj dramskoj konstrukciji moguće onoliko koliko je Tarantino mogao ubiti Hitlera u Nemilosrdnim gadovima)? Možda je jednostavnije objasniti na primjeru: Roberto Benigni ne bi, da je Bosanac, nikada mogao snimiti Život je lijep; priču u kojoj zatočenik koncentracijskog logora mučilište pretvara u kulise komične predstave kojom od sina krije istinu da su došli tamo odakle se, vjerovatno, neće vratiti. Spriječilo bi ga već neko udruženje, uz obrazloženje da scenario vrijeđa žrtve Omarske i Keraterma.

Sloboda ima i svoje nuspojave, a jedna od najgorih je što omogućava neograničen dotok gluposti u javni prostor. Niko, dakle, ne može zabraniti Bakiri Hasečić da komentira scena-

rio kojeg nije pročitala i film koji nije snimljen, pa makar to radila i kao predsjednica Udruženja Žena - žrtva rata, što je pozicija koja s umjetnošću ima veze kao fudbal s letom u svemir. Ozbiljnost institucija i javnosti mjeri se, pored ostaloga, upravo onim što Grahovac radi iz druge: branjenjem prostora autorske slobode sve do trenutka dok se djelo, film u ovom slučaju, ne vidi u cjelini. Tek tada se, naime, mogu stavljati i zabrane, jer sve, od novinskog teksta, preko proze i filma, do političkog programa, zaslužuje zabranu ukoliko veliča ideologiju zločina.

Gavrilo Grahovac je, dakle, umalo ispao principijelan. On kao ministar kulture nije javno, a vala ni tajno, stao u odbranu Ahmeda Imamovića kada se dobitnika nagrade Evropske filmske akademije medijski linčovalo zbog filma kojeg uopće ne snima; on je glasno šutio kada je neko - čovjek se zove Tihomir Zovko i, prema vlastitom priznanju, u životu je pročitao jedan scenario - za koga nije utvrđeno da zna razliku između Stevena Seagala i Stevena Soderbergha, u Jasmili Žbanić i Aleksandru Hemonu otkrio pedofile... Vodeći se unutarbosanskom logikom pretvaranja incidenta u pravilo, nema ništa prirodnije nego da on, Grahovac, s Bakikom Hasečić uspostavlja sistem u kojem će se sutra scenario za film o opsadi Sarajeva slati na odobrenje Eminu Švrakiću, a tekstualni predložak za priču o zločinu u Potočarima 1995. Ibranu Mustafiću.

Neki su ljudi u pravu samo kada rade protiv sebe. Grahovac će izgleda pustiti Angelinu Jolie da snima po Bosni. Tako je Gavro skočio ministru u usta. I, kako bi rekao ViVa Ludež, pojeo govno. U tehničkom mandatu i prenesenom značenju, naravno.

INTERVJU: ALMEDINA ĆUBRO, OSNIVAČ KUD-A "BOSANSKI ZUMBULI"

"Moja najdraža nagrada je moja porodica"

Da kojim slučajem naša zajednica bira ženu koja se istakla svojim radom i doprinosom čovječanstvu kako bi bilo bolje, ljepše i uspješnije, onda bi Bošnjakinja Almedina Ćubro sigurno osvojila titulu najbolje. U njezinom dosadašnjem životu, a ni u budućim planovima nema mjesta za pesimizam, pasivnost i lijenost. Jedan od razloga da se uopšte piše i objavi tekst jeste taj što je Almedina iskoristila svoje potencijale i svoje slobodno vrijeme u svrhu čuvanja i njegovanja bosanskog duha koji, koliko god se neko trudio, ne može da ga zatre. Naime, u maju 2008. godine Almedina je došla na ideju da osnuje KUD "Bosanski zumbuli" i tako preko tradicionalnih bošnjačkih nošnji pokušamo barem malo da se približimo ljudima iz naše istorije. Nije ni očekivala da će za jako kratko vrijeme naići na ogromnu zainteresovanost kod djece raznih uzrasta. "Vedrog duha i nenametljiva stigla je sve da posloži. Ona je prije svega majka dvoje prekrasne djece, svom suprugu velika potpora, djevojčicama u KUD-u nešto starija kolegica i kao takva daje značaj svojim prisustvom raznim priredbama i skupovima. Ona nas svojom kreativnom koreografijom uvijek obraduje nekim novim kolom na bajramskim sijelima i priredbama, a djevojčice umjesto čaršijom prošetaju binom u svojim svilenim nošnjama i oduševе publiku svakim nastupom. Bosna i Hercegovina je zemlja dobrih Bošnjana gdje se uvijek njegovala tradicija običaja i kulture Bošnjaka. Istinski predstavnici kulture u našoj zemlji ponekad su u sjeni, one moralne i istinske vrijednosti se ponekad ne prepoznaju, a trebalo bi da bude suprotno, da se cijeni i vrijeduje ono što je izvorno bosansko, počevši od sevdalinke koja ima dugu tradiciju, pa sve do folklora pa i urbane kulture. Kako je sevdalinka izraz



KUD "Bosanski zumbuli"

duha podneblja koji se zove Bosna i Hercegovina jer se intrepertira na jedan sentimentalni i poseban način tako je i folklor odraz naše kulture jer čini bosansku scenu još raznovrsnijom i unikatnijom.

U ugodnom druženju sa Almedinom vrijeme je brzo prošlo. Pitanja je mnogo, a vremena malo. U želji da se sazna kako jedna majka stiče sve izorganizovati poručuje nam kako kroz razumijevanje i pažnju koju posvećuje ljudima, "sve se može kad se hoće." U životu postoje neki viši ciljevi tako da je volonterski rad s djecom koji uspije uvrstiti u "busy schedule" od velikog značaja, jer to je pozitivna slika za našu djecu i omladinu, a finansijska nadoknada ponekad i nije najbitnija u životu, ljubazno je odgovorila Almedina.

Koje godine je osnovan KUD "Bosanski zumbuli" i otkud ideja za taj naziv?

- KUD "Bosanski zumbuli" je osnovano 2008. godine, a naziv su odabrali članovi KUD-a.

Koliko članova trenutno imate, koji su uzrast i da li ima podjednak broj dječaka i djevojčica?

- KUD trenutno ima 35 članova, uzrasta od 5 do 20 godi-

na i samo su djevojčice.

Za Vas kažu da ste jedna vrijedna, ambiciozna i uspješna žena. Ima jedna poslovica koja kaže: "Iza svakog uspješnog muškarca stoji uspješna žena." Kako to komentarišete s obzirom da ste žena ili ti hanuma uvaženog i uspješnog predsjednika Naila u našoj zajednici u Atlanti?

- Što se tiče ovog pitanja odgovoriću kratko: SVE SE MOŽE KAD SE HOĆE.

Kad već spominjemo zajednicu da li ste zadovoljni sa radom našeg odbora i ima li nešto što bi ste mijenjali?

- Bio bi grijeh reći da nisam zadovoljna. Devedeset devet posto odbora su ljudi koji besplatno rade za nas i našu djecu, a voljela bih da vidim više rezultata u radu sa omladinom i boljoj vjerskoj pouci.

Kako podnosite kritike i da li ih uopšte ima?

- Opravdane kritike su dobro došle, a hvala Allahu nema ih puno.

Šta se važno desilo u Vašem životu u proteklih pet godina?

- U zadnjih pet godina: Prvo, promocija na poslu. Drugo, osnivanje KUD-a.

Danas se ne stidimo glasno i u svakoj prilici uzvikivati "Ja sam vjernik." Da li je tišina prikladnija za pokazivanje ljubavi prema bogu?

- Što se tiče pokazivanja ljubavi prema bogu, tiho ili glasno, nije bitno, važno je da je čovjek ima i da je to u granicama normale.

Ko ustvari svjedoči o našem kulturnom identitetu?

- Današnja civilizacija je veliko zlo za nas žene, zaboravljamo zašto nas je Allah stvorio i kakva je naša uloga u ovom svijetu.

Da li ste osvojili neke nagrade i koja vam je najdraža?

- Moja najdraža nagrada je moja porodica.

U kojim gradovima ste nastupali i koji nastup ćete najviše pamtit?

- Do sada smo nastupali u Atlanti (bajramska sijela, dva puta smo nastupali na Turskom festivalu i St. Louis-u (povodom Tradicionalnih susreta Kongresa Bošnjaka).

Kako uspijevate uskladiti sve poslove sa privatnim životom i inače kako sve stižete s obzirom da ste majka dvoje djece?

- Što se mora, nije teško.

Evo za sve one koji žele da zaigraju u "zumbulićima", kako i na koji način postati član folklora "Bosanski zumbulić?"

- Član folklora je lako postati. Svi su dobro došli od pet godina pa više. Probe se obavljaju dva puta mjesečno (nedjeljom) od 2 do 4 poslije podne u našem centru u Snellvillu.

I za kraj, koja je poruka mladim?

- Budite bolji od svojih roditelja i ne zaboravite svoju vjeru u Allaha.

pripremila: Adelma Čišić

ZDRAVLJE

Osam dijeta koje vole holivudske zvijezde

Slike tijela hollywood-skih glumica i glumaca u savršenoj tjelesnoj formi sigurno predstavljaju ideal izgleda većini ljudi zapadnog svijeta. Dijete, vježbe, životni stil i programi ishrane predmet su pisanja mnogih internetskih portala i novina.

Tako se, ovisno o izvoru informacija koji su često teško provjerljivi, može ustanoviti da je većina glumaca isprobala više različitih dijeta i režima ishrane, te je teško utvrditi kojoj su dijete ostali privrženi i kojoj bi dali najvišu ocjenu.

Imajte na umu da popis dijeta nije preporuka za provođenje niti su dijete poznatih nužno najbolje. Neke su zdrave, neke manje zdrave, a neke nepreporučljive. Jedino zajedničko im je to što su ih primjenjivali celebrity-ji.

Dijeta 5 faktora: Autor dijete Harley Pasternak redovno surađuje sa Halle Berry, Aliciom Keys, Orlandom Bloomom, Evom Mendes, Jane Fandom i Robertom Downeyem Jr. Uz program vježbi za oblikovanje tijela, Harley im osmišljava i program zdrave prehrane.

Trosatna dijeta: Trener Jorge Cruise, autor trosatne dijete, savjetuje zvijezde kao Jessicu Biel i Heidi Klum. Ova dijeta zahtijeva konzumiranje malih obroka svaka 3 sata.

Atkinsova dijeta: Poklonici ove visokoproteinske dijete u čijem jelovniku dominiraju meso i masnoće su Renee Zellweger, Kate Hudson i Calista Flockhart.

Best life dijeta: Oprah je iskušala svaku dijetu koju je stigla, ali je uspjeh postigla tek kada je upoznala Boba Greena s kojim je kasnije napisala i knjigu pod nazivom Make the Connection: 10 Steps to a Better Body and a Better Life.

Weight Watchers dijeta: Jenny McCarthy, američka manekenka, glumica i bivša djevojka Jima Carreyja, te vojvotkinja od Yorka Sarah Ferguson, duguju svoju vitku liniju ovoj dijete. Weight Watchers je jedan od najvećih komercijalnih programa za mršavljenje na svijetu.

Limun dijeta: Ovu dijetu, kod nas poznatu pod imenom Citrus dijeta, a na engleskom govornom području The Master Cleanser Diet, primjenjuju Beyonce i Denzel Washington. Dijeta je navodno učinkovita u detoksikaciji organizma i spada u brze dijete.

Dijeta po krvnim grupama: Dijeta sadrži dugačku listu namirnica za svaku krvnu grupu. Gwyneth Paltrow, Jennifer Lopez i Elizabeth Hurley isprobale su učinkovitost ove dijete na sebi i uspjele.

Zona dijeta: Kristin Davis, zvijezda serije Seks i grad i 44-godišnja ljepotica Cindy Crawford su, kako mediji kažu, u zoni. Ova dijeta nije osmišljena samo za mršavljenje već i za prevenciju hroničnih bolesti.

“Ne zanima me mjesto selektora”

Malo ko zna da je Mehmed Baždarević okončao školovanje na Francuskoj trenerskoj akademiji kao najbolje ocijenjeni trener u posljednjih 20 godina. Prije devet godina, legendarni Meša je diplomirao na akademiji u Parizu i stekao zvanje DEPF (Diploma profesionalnog nogometnog trenera treći stepen). U generaciji s Baždarevićem bili su Deschamps, Jean Tigana, a trebalo je pokazati znanje pred starim mudracom Guyem Rouxom, s kojim je Vahid Halilhodžić na akademiji vodio žestoke polemike.

Bez obzira na sjajne ocjene, praktično znanje je omogućilo Baždareviću da se dokaže u Francuskoj. Rijetko je kojem treneru u Evropi pošlo za rukom da dva mala kluba iz drugog, uvede u prvi razred. Meši je to pošlo za rukom s Istresom i Grenobleom. Posebno je vrijedan uspjeh s Istresom. Bio je to prvi samostalni angažman našeg trenera, nakon što je prethodno vodio omladince Sochauxa. To vam je, otprilike, kao kad bi jedan Pofalički izborio plasman u Premijer ligu BiH. Baždarević se nakon tri godine rada u Grenobleu - gdje je stigao na preporuku Ivica Osima - odlučio na odlazak. Dojadilo mu je natezanje s japanskim vlasnicima, koji nisu imali sluha za Mešinu viziju stvaranja jakog kluba. Nakon odlaska, Baždarević je imao nekoliko ponuda da nastavak karijere, ali se odlučio da sačeka bolje dane.

Nakon napuštanja klupe Grenoblea, nalazite se na odmoru. Da li Vam je dosadno?

BAŽDAREVIĆ: Za sada nije, ali dosadit će. Vrijeme najviše provodim s porodicom, došao sam sa suprugom u Sarajevo, a uskoro ću u Italiju.

U Italiju? Da nije možda u pitanju novi angažman?

BAŽDAREVIĆ: Gledat ću treninge Intera, pratiti rad Rafaela Beniteza, a nakon toga planiram odlazak u Holandiju. Možda ću, ako sve bude kako treba, otputovati i u London, kod Arsenea Wengera. Želim i dalje da učim.

Odlazak iz Grenoblea za neke je bio iznenađenje, međutim, za one koji bolje poznaju situaciju i nije.

BAŽDAREVIĆ: Već dugo sam bio nezadovoljan situacijom u klubu. Nisam mogao da utječem na neke stvari, kao što su prodaja igrača, finansije, a od mene se tražilo puno, da se vratim u elitni rang, da stvaram igrače. Kad sam shvatio da Grenoble ide pogrešnim putem, tražio sam da se razidemo. Korektno smo se rastali, nije bilo nikakvih problema.

Imali ste nekoliko ponuda, ali sve ste odbili. Zašto?

BAŽDAREVIĆ: Nisam želio da idem u neki klub po svaku cijenu. Pregovarao sam s Nicom, Saint Etienom, ali se nismo dogovorili. Najkonkretniju ponudu dobio sam od Arles

Avignona. Zvali su me da budem prvi trener, a da direktor bude Rolland Courbis, izvrstan stručnjak, koji je bio u zatvoru, zbog nekih navodnih malverzacija prilikom nogometnih transfera i nezakonito stečenog novca. Poznati francuski menadžer Jean-Pierre Bernes, koji se brine o karijerama svih velikih francuskih igrača kao što su Ribery i Nasri, želio je da dođem u Arles, ali nisam htio. Nisam vidio razliku između Grenoblea i Arlesa, jer i jedan i drugi klub imaju velikih finansijskih problema, pa sam odustao.

Ovdje, u BiH, neki nogometni krugovi žele Vas u reprezentaciji, u slučaju odlaska Safeta Sušića?

BAŽDAREVIĆ: Ne zanima me selektorsko mjesto u BiH.

Zbog čega?

BAŽDAREVIĆ: Ja sam jednom pristao da budem selektor, ali me nisu htjeli. Izabran je drugi kandidat. Ne želim više da budem dio te priče dok se neke stvari ne razjasne. I ne želim da se petljam, zato što trenutno imamo selektora. Safet Sušić

je moj prijatelj i oko toga ne treba da se diskutira.

Međutim, Sušić baš i ne uživa povjerenje, kako javnosti tako i čelnika Saveza, a, što je najgore, ni samih reprezentativaca.

BAŽDAREVIĆ: Zar je Pape već stigao da zarati sa svima? Ne razumijem. Ne znam, Sušić najbolje poznaje stvari u reprezentaciji, on živi s tim igračima. Ja nemam prave informacije.

Kako komentirate posljednje rezultate državnog tima?

BAŽDAREVIĆ: Očekivao sam više. Posebno protiv Albanije. Da budem iskren do kraja, mislio sam i da ćemo s Francuzima odigrati neriješeno. Ali, da ne pametujem puno, može se neko naljutiti.

Ovdje je jest problem što se svi ljute kad čuju istinu.

BAŽDAREVIĆ: Mogu govoriti samo ono što vidim. Kod naše reprezentacije smetaju mi neke stvari. Recimo, mi moramo igrati samo s jednim špicem. Ako je to Džeko, onda pored sebe, s lijeve i desne strane, mora imati brze i prodrone igrače. Muslimović i Ibišević to nisu. Ne znam da li Pape ima te igrače. Nisam vidio disciplinu u igri u našoj reprezentaciji. Sve to izgleda stihijski, napada se bez prave taktike. Nisam vidio ni da igrači mijenjaju pozicije, da su taktički disciplinirani. To je moj utisak, neko se ne mora složiti. Imamo problem što na sredini terena nemamo "radilicu". Rahimić je dobar, ali njegovo vrijeme prolazi. Treba nam neko brz, okretno, snažan... Kao što je to bio Zlatan Bajramović. On je pravi tim zadnjeg veznog igrača. Da imamo zdravog Zlatana, sve bi bilo drugačije.



Mehmed Meša Baždarević



TRUCK ACCIDENT?

Did You Know?
An accident with a commercial vehicle, tractor trailer or 18 wheeler is *different* than most auto accidents.

To get your fair and just cash settlement, much more evidence must be preserved *before* it's destroyed.

That's why our **9 step Action Plan** includes securing details like the black box or even mobile phone and text records.

Don't be victimized twice. Call us in today.

FREE CASE REVIEW

FREE CLAIM EVALUATION

NO RECOVERY NO ATTORNEY FEE

9 STEP ACTION PLAN

FREE ADVICE 7 DAYS A WEEK

Call National Truck Attorneys: 1-866-952-5570

The hiring of a lawyer is an important decision that should be based only upon advertisements. Before you decide, ask yourself if you have written information about the qualifications and experience. No representation should be made that the quality of the legal services to be performed is greater than the quality of legal services performed by other lawyers. Not all attorneys are available in every state or region. Anyone considering a lawyer should independently investigate the lawyer's qualifications, availability, and fee. You should not rely upon advertisements as a primary basis for selecting a lawyer. This advertisement is not intended to constitute an offer of legal services. The attorneys responsible for this advertisement are Rabinovitch & Lubow, P.C., located at 400 So. Fork Road, Suite 210, Raleigh, NC 27605. No practice law only in North Carolina. Not associated with lawyers throughout the United States. Some courts may be reluctant to allow an attorney to accept responsibility for the firm will maintain joint responsibility. Representation is not available in all states. THIS IS AN ADVERTISEMENT FOR LEGAL SERVICES



Do you owe over 10K to the IRS?

- ✓ **Settle Out Over Due Taxes for Less**
- ✓ **Stop Wage Garnishments and Bank Levies**
- ✓ **Filing (Business & Personal Taxes)**
- ✓ **State & Federal / Full Representation**

CALL NOW!
877-366-3145

Fast IRS Tax Relief

Šta može reprezentacija BiH? Realno, koji su njeni dometi?

BAŽDAREVIĆ: Mogu neki misliti da mi imamo super ekipu, da smo vrijedni učešća na Evropskom ili Svjetskom prvenstvu. Međutim, ja ne mislim tako. Treba biti realan, a to je najteže. Šta može naša reprezentacija? Ona ima šanse u ovoj grupi, imamo i određenu snagu, ali pitanje je da li je to dovoljno za neke velike domete. Svi naši igrači igraju u svojim klubovima, neki igraju na visokom nivou. Ali, potrebno je napraviti cjelinu. Treba napraviti homogenu ekipu. A to počinje od malih stvari, onih koje se skoro i ne vide...

Kao, primjerice, odnos s medijima?

BAŽDAREVIĆ: Čuo sam da su novinari nezadovoljni. Ne shvatam zbog čega. Pa, ako nema novinara, ako je tu loša komunikacija ili ako nema atmosfere, onda nema uspjeha. To je pretpostavka za dobar uspjeh. Kako se može desiti da Sušić uđe u sukob s novinarima? Šta rade njegovi pomoćnici (Baljić, Sredojević i Piplica op.a.). Oni su dužni da mu pomažu u svakom pogledu, pa i kad su mediji u pitanju. Pogotovo Baljić i Piplica koji su do jučer bili reprezentativci. Ako ima nekog prljavog veša u reprezentaciji, treba ga oprati u ovoj pauzi, dok ima vremena. Treba složno krenuti naprijed, jer vremena je malo, a posla puno. Kod nas je uvijek isto. Napravimo jedan korak naprijed i kad treba da nastavimo, da napravimo drugi, mi se onda vratimo korak nazad.

Problem je u pojedinim igračima koji su otišli u visine, koji se bahato ponašaju, a na terenu ne pružaju ono što se od njih očekuje?

BAŽDAREVIĆ: To je vrlo jednostavno riješiti. Razgovor je važan. Ne znam šta hoće bilo koji igrač u našoj reprezentaciji? Oni su velike zvijezde u Bosni i Hercegovini i krajnje je bezobrazno da se ponašaju neodgovorno i neozbiljno.

Na utakmici s Albanijom nije dozvolio Pjaniću da izvede slobodan udarac?

BAŽDAREVIĆ: Izgleda da je mali Pjanić problem već duže vremena. Kod Čire nije ni igrao. Vidim da se neki pitaju da li on treba da igra. E, pa ja ću da kažem sljedeće: Pjanić mora biti glavni igrač u reprezentaciji! On je možda i jedini moderan igrač kojeg Sušić ima, uz Džeku, koji mora puno bolje. On je, kako ga gledaju ovdje, u BiH, još uvijek dijete, ali je u Francuskoj pravi as! Pjanić je ekstra kvalitetan igrač koji u nogometu sve zna, a ima tek 20 godina. Ako mu se Francuzi dive, onda ne znam šta je problem kod nas? Čini mi se da ga u BiH teško razumiju.

Baš kao što nisu razumjeli Čiru Blaževića. Vi ste mu dali podršku, iako ste govorili da nije rješenje za BiH.

BAŽDAREVIĆ: Čiro kao trener nije rješenje. On ima nešto drugo. Zna napraviti atmosferu. Neke stvari kod njega se ne mogu zaboraviti niti negirati. Ali, on je kao jogurt, a jogurt može trajati najviše 15 do 20 dana. Našoj reprezentaciji treba adekvatan plan i program. Moramo imati našu školu, da se zna šta želimo. Mi nemamo kvalitetan rad u omladinskim selekcijama, pitanje je šta će biti za nekoliko godina. Kakva nam je mlada reprezentacija, ko je tamo selektor, da li ima rezultata, da li ima igrača za A tim...? Sve su to pitanja od velike važnosti za reprezentaciju.

Električna revolucija krenula je iz Pariza!

Nissan Leaf

2010
PARIS
MONDIAL DE
L'AUTO-MOTO
2-17 OCTOBRE



Chevrolet Volt

Prošlog mjeseca, Pariz Auto Show vrata je otvorio novinarima i posjetiteljima. U Parizu je premijerno izloženo 100 novih automobila, a gotovo svi proizvođači imaju i električne modele.

Električni automobili spremni za izlazak u promet današnje preplavili su izložbene hale najnovijeg izdanja međunarodnog salona automobila u Parizu. Najvažniji ovogodišnji salon je vrata otvorio novinarima, i posjetiocima, koji su ga mogli razgledati do 17. oktobra. Oko 300 proizvođača iz 20 zemalja za Pariz je najavilo 100 premijernih predstavljanja novih automobila - što serijskih izvedbi, što konceptnih modela koji (još) ne idu u proizvodnju. No, znakovito je da u Parizu gotovo i nema proizvođača koji nije pripremio električno vozilo.

Napredniji su izložili automobile na potpuno električan pogon, dio proizvođača drži se hibrida odnosno kombinacije benzinskog ili dizelskog motora s električnim agregatom. Oni sramežljiviji elektropogon za sada su smjestili u konceptne modele, no očito je - struja nam kuca na vrata automobila. Konkretno, Peugeotov Ion već je u prodaji s cijenom od 33.000 eura plus PDV. Nissan Leaf prodaje se po cijeni od 30.000

eura. Renault sredinom iduće godine u prodaju diljem Europe pušta svoju gamu električnih vozila, gdje će, primjerice, električni Renault Fluence stajati oko 26.000 eura, a Kangoo Express ZE oko 20.000 eura. Struja ulazi i u Sab 9-3, Volvo C30, Infiniti M35, Hondu Jazz... Čak i supersportski automobil Fisker Karma - uz jedan turbobenzinac - pogone dva elektromotora od 408 konjskih snaga. Gotovo sve izložene koncepte također pogone elektromotori. Poruka Pariza je jasna - vrijeme je za elektrifikaciju prometne današnjice.

Od ovogodišnjeg se Pariza očekuje i novi rekord posjećenosti. Prošlo izdanje pariškog salona, održano 2008. godine, vidjelo je do tada rekordnih 1,432.972 posjetitelja. Tadašnji je salon, međutim, premijerama bio upola slabiji od ovogodišnjega, kriza je puhala autoindustriji za vrat. Danas autoindustrija na mnogim svjetskim tržištima izlazi iz krize pa su se proizvođači potrudili predstaviti se u što boljem svjetlu. Osim električnih automobila i hibrida, pod reflektorima Pariza izloženi su mnogi važni "klasični" modeli, poput novih modela VW Passata, Citroena C4, Forda Focusa, Nissan Micre, Mazde 2, Audiya A1 i A7, BMW-a X3 i Serije 6, Mercedes CLS-a, Volva V60, Seat Alhambre, Renault Latitudea, Peugeotta 508, Chevrolet Orlanda, Hyundaija ix20...

Volkswagen skinuo platu s Passata sedme generacije

Posjetitelji ovogodišnjeg autosalona u Parizu imali su priliku premijerno vidjeti novu, sedmu generaciju Volkswagenovog Passata

Proizvođač iz Wolfsburga ustraje u tome da je riječ o potpuno novom modelu, a ne tek o redizajnu, opravdavajući ovu tvrdnju činjenicom da je od starog modela ostao samo krov, dok su svi ostali karoserijski paneli potpuno novi. Sedma generacija Passata u odnosu na prethodnika porasla je 4 mm u dužinu (4.769 mm), dok su širina (1.820 mm) i visina (1.474 mm) ostale jednake.

Novi vizualni karakter očituje se u agresivnijem izgledu prednjeg kraja s novim LED dnevnim svjetlima, a Volkswagenova limuzina najveći napredak u odnosu na prethodnika bilježi u interijeru. Kvalitetniji materijali, elegantnije dizajnirani uređaji, analogni sat na središnjoj konzoli te grijana i ventilirana sjedala s funkcijom masaže pomoći će Passatu da se ugura u viši platežni razred.

Tu je i bogata paleta benzinskih i dizelskih motora. Osnovni dizelaš, 1.6 TDI Bluemotion, razvija 105 KS, a slijede ga dva dvolitrena TDI-ja sa 140 i 170 KS. Osnovni benzinac koristi 122 KS snažni TSI motor, slijede 1.8 TSI sa 160 KS, 2.0 TSI sa 210 KS i na vrhu 3.6 V6 sa 300 KS. Standardni mjenjač je ručni šesterostupanjski na svim modelima osim najsnažnijem benzincu, dok je sedmerostupanjski DSG dostupan uz nadoplatu.

Od sigurnosne opreme valja spomenuti XDS elektronički kontrolirani diferencijal s ograničenim proklizavanjem koji umanjuje efekt podupravljanja u zavoju, kao i tehnologiju automatskog kočenja koja je dio sustava automatskog održavanja udaljenosti a koja, u osnovi, autonomno zaustavlja automobil do brzine od 30 km/h ukoliko sustav osjeti nalijetanje na pješaka.

Cijene novog Passata zasad nisu definirane, a isporuka automobila u limuzinskoj i karavanskoj izvedbi trebala bi uslijediti do kraja godine. Da napomenemo da je ovaj model predviđen za Evropu, dok za američko tržište Volkswagen planira potpuno novu zamjenu, trenutno nazvanu NMS (New Midsized Sedan).



BMW-ova pariška zvijezda – koncept serije 6 kupe



Na autosalonu u Parizu koncem oktobra BMW je pokazao konceptnu seriju 6 kupe koja je, kako se čini, sve samo ne konceptna

Premda BMW ne otkriva tehničku stranu priče, konceptna serija 6 kupe, sudeći prema fotografijama interijera i eksterijera, ogledni je primjerak koji ćemo uz vrlo malo preinaka uskoro dočekati u serijskoj proizvodnji. U osnovi, u mnogo čemu je riječ o nastavku dizajnerskog stila koji smo vidjeli na konceptu Grand Coupe u Pekingu, s tim da pariškoj premijeri nedostaje jedan par vrata.

Unutrašnjost pak odiše prozračnošću i privlači pogled asimetričnim oblikom središnje konzole nakrenute prema vozaču, kao i velikim displejom te novim dizajnom kola upravljača.

Za očekivati je da će nova šestica dužinom odgovarati prethodnici, tek bi trebala biti niža i šira, a s obzirom da će dijeliti platformu s novom serijom 5, pod poklopcem očekujemo ergelu benzinskih i dizelskih motora od atmosferskih i turbopunjenih rednih šestaka do 4.4-litrenog biturbo punjenog benzinskog V8.

Dok bi se serijska šestica mogla naći u prodaji već početkom iduće godine, na najžešći M6 morat ćemo se strpjeti do 2012.

VESNA ZMIJANAC

“Bila sam najstarija i najdeblja...”

Vesna Zmijanac sa nestrpljenjem očekuje emitovanje “VIP Survivor-a”, ekstremnog reality showa, gdje je bila jedan od aktera, zajedno sa “razmaženom” kćerkom Nikolijom. Iako je od snimanja na Filipinima prošlo nekoliko mjeseci, pobjednik se već proslavio (Nikola Rokvić), tek počinje TV emitovanje. Tim povodom Vesna je u razgovoru za Press otkrila da se dobro snašla u divljini uprkos tome što je bila najstarija i najdeblja takmičarka.

Zmijanac otkriva da je njena kćerka Nikolija Jovanović, sa kojom je boravila na Filipinima, bila najrazmaženija i da joj je učešće pomoglo da se oslobodi viška kilograma.

“Za mene je to bio jedan veliki izazov sa kojim sam želela da se uhvatim u koštac. Nisam se mnogo dvoumila kada su mi ponudili da se upustim u avanturu. Želela sam da prođem još jedno životno iskustvo”.

Budući da ste živeli na riži i hljebu, koliko ste kilograma oslabili?

“Iako sam tamo bila najdeblja, mislim da sada i nije toliko bitno koliko sam oslabila. Razlika se vidi i kako su dani odmicali, kilogrami su polako nestajali. Meni je najbitnije da sam se ja odlično snašla, s obzirom na moje godine. Bilo je teško, ali sam preživela i izdržala”.

Postoji li nešto što s nestrpljenjem očekujete da vidite?

“Sve što smo proživeli na Filipinima ostaće mi u dragom sećanju, a ja nisam mnogo obraćala pažnju na kamere. To je stanje u kome nema poziranja. Ništa ne očekujem, budući da će me gledaoci videti u izdanju u kakvom nikada nisu imali prilike: bez šminke, garderobe, raščupanu, sa samo dva kupaća kostima. To je stanje u kojem ne možete da izgledate normalno. Najvažnije je to da smo svi tamo u našim glavama i duši bili čisti”.

Da li vam je smetalo što ste na ostrvu bili u društvu mlađe generacije?

“Iako sam bila najstarija među takmičarima, odlično sam se uklopila sa svi-

ma njima. Meni je bilo interesantno, toliko da bih se ponovo vratila u divljinu, ali sa istom ekipom po cenu da traje i duže”.

Kako ste se slagali sa kćerkom Nikolijom? Da li se zaljubila u nekog od takmičara?

“Znate kako, kada imate 21 godinu i zapadne vam majka na pustom ostrvu, to je onda velika nesreća. Samim tim Nikolija nije imala neku priliku da se zaljubi”.

Kažete da za Nikoliju nije bilo nekog izbora što se muškog dijela ekipe tiče, a za vas?

“Jaooo... (smijeh) Pa, ja se u poslednjih 10 godina nisam zaljubila u milion njih, a ne tamo u njih šestoricu koji su se takmičili! Specifični su ti odnosi kad se nađete na jednom takvom mestu. Svi smo imali familijarne odnose, a većinu muškaraca su čekale žene kod kuće. Iskreno, nije mi palo na pamet zaljublivanje, posebno ne u ovim godinama”.

Da li ste imali nekih neprijatnih situacija i kako su se generalno žene slagale na ostrvu?

“E to morate da vidite, dosta toga je bilo i gledaoci će uživati u različitim situacijama i dogodovštinama. Ja po ugovoru ne smem da otkrivam detalje”.

Posle povratka iz “Survivora” počeli ste da prikupljate pjesme za Nikolijin prvi album. Kada ćemo imati prilike to da čujemo?

“Nikolija je trenutno veoma angažovana oko fakulteta u Atini. Ja ne prikupljam pesme za nju, već ukoliko naiđe neka pesma koja nije za mene, ja je sačuvam za nju. Još uvek je rano da pričamo o njenom albumu, s obzirom na to da mora prvo da završi fakultet. Obrazovanje je na prvom mestu”.

Prema vašem mišljenju, ko je bio najrazmaženiji na ostrvu?

“Definitivno moja Nikolija! (smijeh)”.

Kakvi su vam sada planovi nakon „Survajvera”, s obzirom na to da vas dugo nije bilo na muzičkoj sceni?

“Ako budem nastavila da dajem intervjue, nikada neću ući u studio da snimim pesme, ima dosta stvari koje sam zapostavila dok sam bila na ostrvu”.

ŽELJKO JOKSIMOVIĆ

Joksimović nastupio u zeničkoj Areni



Željko Joksimović održao je 30. oktobra u Zenici veličanstven koncert pred oko 10.000 posjetilaca. Bio je to prvi koncert popularnog srbijanskog pjevača i kompozitora u Zenici, a publika u Gradskoj areni, uglavnom mladi, uglas je pjevala sve velike Joksimovićeve hitove.

“Liberio”, “Djevojka”, “Drška žena plava”, “Supermen”, “Ljubavi”..., redali su se hit za hitom popularnog pjevača. Koncert je trajao nešto duže od dva sata. Na kraju, na bis nastupu, Joksimović je s publikom otpjevao i autorski megahit “Miljacka”, koji je na svom posljednjem albumu snimio Halid Bešlić.

Spektakularni koncert je organizirala tuzlanska agencija “Beral”, gdje će se, u dvorani “Mejdan”, 13. novembra i održati naredni nastup srbijanske zvijezde.

Charlie Sheen nađen pijan i gol u uništenom apartmanu



Američki glumac Charlie Sheen je izgleda imao veoma burnu noć. Policija je u uništenom apartmanu hotela Plaza u New Yorku pronašla pijanog glumca koji je bio potpuno gol, piše "New York Post".

Hotelsko osiguranje je pozvalo policiju nakon što su vidjeli razbacane stolice, stolove i druge predmete po cijelom apartmanu. Čak je i luster bio razbijen.

Sheen je potom odvezen u bolnicu zajedno sa svojom bivšom suprugom Denise Richards koja je odsjela u drugom apartmanu ovog hotela.

Denise Richards je stigla u New York kako bi promovisala seriju "Blue Mountain High". Njihova djeca su također bila u njenoj sobi.

Charlie Sheen je rekao policiji da je noć ranije bio u provodu. Nakon što se vratio u svoj apartman sa jednom ženom, primijetio je da mu nedostaje novčanik, što ga je razbjesnilo.

Sheen trenutno glumi u CBS-ovom sitcomu "Two and Half Men". Glumac je također uhapšen u Aspeni prošle godine nakon sukoba sa bivšom suprugom Brooke Mueller. Ona je pozvala policiju i optužila bivšeg muža za pokušaj ubistva.

Angelina Jolie nije u drugom stanju

Predstavnici Angeline Jolie negirali su informaciju da je slavna glumica ponovo u drugom stanju.

Magazin "Star" je objavio da je glavna glumica u filmu "Salt" i novopečena režiserka u drugom stanju. Podsjećamo da Angelina i njen partner Brad Pitt imaju šestoro djece.

Tom je magazinu navodno jedan član Angelinine porodice rekao da je Brad stigao u Budimpeštu, jer ne želi propustiti niti jedan trenutak njene trudnoće. Kako god, član njenog tima rekao je za list "Gossip Cop" da je priča izmišljena i da lijepa glumica nije trudna.

Angelina zajedno sa djecom i mužem boravi u Budimpešti, gdje snima film "Untitled Love Story" o ljubavnoj priči u Bosni i Hercegovini.

"Dobro se nosim s Parkinsonovom bolešću"

Legendarni glumac Michael J. Fox na obilježavanju 25. godišnjice filma koji ga je proslavio, u razgovoru za Sky News kazao je da se dobro nosi sa svojom bolešću.

Glumac je opisao kako se bori sa Parkinsonovom bolešću riječima: "Dobro se osjećam. Može se izdržati. Znam da svako nosi svoj teret na leđima, a ovo je moj i mogu ga ponijeti."

Također je priznao da i dalje ne može da vjeruje da je njegov film "Povratak u budućnost" tako popularan.

"Ima ljudi koji znaju više o njemu nego ja. Pitaju me o kontinuumu vrijeme - prostor, a ja kažem da nemam pojma i da sam to samo vidio na filmu", ispričao je Fox i dodao: "Prava je privilegija biti dio nečega što toliko znači ljudima i pozitivna je stvar u njihovim životima, nečega što ih čini sretnima."

Film "Povratak u budućnost" snimljen je 1985. godine, a osvojio je pet nagrada Oscar.

"Prekid s Chrisom mi je otvorio oči"

Koliko je prekid Rihanne sa Chrisom Brownom utjecao na ovu pjevačicu pokazao je intervju za magazin "Marie Claire", u kojem je ponovo govorila o ovom skandalu.



Rihanna je priznala da joj je bilo veoma teško nositi se s tim u javnosti, te da se borila da izađe na kraj sa raskidom kojem je prethodilo nasilje. Podsjetimo, Brown je pjevačicu hita "Rude Boy" pretukao u svom autu u februaru 2009. godine.

Tamnoputa diva istakla je kako je puno toga naučila iz ovog neugodnog iskustva te ga naziva "pozivom na buđenje".

"Sve grozne stvari koje vam kažu vas slome. Ipak, kad se ponovo podignete na noge, ako vam to uopšte uspije, zaista ste postigli veliku stvar", objasnila je svoje viđenje stvari. "Bog ima neki lud način rada, a kad se neke stvari dese, pomislite: 'Čemu sam ovo zaslužila? Zašto mi se ovako vraća?'".

Rihanna je dodala i ovo: "Trebalo mi je nešto da mi otvoriti oči. Trebala mi je tačka na kojoj ću se osvijestiti, a to mi je i sam Bog dao."

**OVAN** (21.03 - 20.04)

Ljubav: Pred vama je malo mirnija sedmica.
Zdravlje: Blaga nervoza je ono što će vas pratiti u narednom periodu.

**BIK** (21.04 - 20.05)

Ljubav: Ukoliko ste zaljubljeni u osobu koja je negdje daleko, može se reći da ta veza ide u pozitivnom smjeru.
Zdravlje: Vaš duh je najjače oružje.

**BLIZANCI** (21.05 - 20.06)

Ljubav: Kod vas je i ljubav u znaku putovanja.
Zdravlje: Iako djelujete energično i spremno na sve, vi vapite za odmorom.

**RAK** (21.06 - 20.07)

Ljubav: Iskazivanje sopstvenih, najdubljih osjećaja, neće donijeti ništa negativno.
Zdravlje: Osjećate se zdravo.

**LAV** (21.07 - 21.08)

Ljubav: Još uvijek ste u nemilosti zvijezda.
Zdravlje: Početkom sedmice pazite na mučninu i vrtoglavicu.

**DJEVICA** (22.08 - 22.09)

Ljubav: Ponosni ste na sebe, a vide to i drugi.
Zdravlje: Sjajno, bar tokom narednih dana.

**VAGA** (23.09 - 22.10)

Ljubav: Uživajte u okruženju prijatelja.
Zdravlje: U nemilosti ste kada je zdravlje u pitanju.

**ŠKORPIJA** (23.10 - 22.11)

Ljubav: Trenutno vlada zatišje. Kao da ste zadovoljni onim što imate.
Zdravlje: Krajem sedmice biste mogli biti izloženi jačim napadima glavobolje.

**STRIJELAC** (23.11 - 20.12)


Ljubav: Odlučili ste sebi dati oduška i ispuniti svaki, pa i najmanji hir.
Zdravlje: Posvetili ste se sebi i brizi o sopstvenom tijelu.

**JARAC** (21.12 - 19.01)

Ljubav: Partner je uspio uspostaviti odgovarajući kontakt s vama.
Zdravlje: Osjećate se sasvim dobro.

**VODOLIJA** (20.01 - 18.02)

Ljubav: Još uvijek je sve lijepo.
Zdravlje: Grlo će biti jedno od osjetljivijih tačaka ove sedmice.

**RIBA** (19.02 - 20.03)

Ljubav: Ne snalazite se najbolje. Mudro se povucite.
Zdravlje: Disajni organi su vaša slaba tačka.

Mala riznica velikih misli



François - Marie Arouet de Voltaire
(1694 - 1778)

Bol je isto tako neizbježna kao i smrt.



William Shakespeare (1564 - 1616)

Savjetovati ljudi umiju i utješno govoriti o jadima dok ih sami ne osjete.



Mahatma Gandhi (1869 - 1948)

Tamo gdje se mora birati između kuka-
vičluka i nasilja, ja sam za nasilje.



Immanuel Kant (1724 - 1804)

Ljubav je stvar osjećaja, a ne volje, te ne mogu ljubiti zato što hoću, a još manje zato što moram; s toga je obavezna ljubav glupost.



Ivo Andrić (1892 - 1975)

Rana koja se krije, sporo i teško zacjeljuje.

Highly visible moving
ADVERTISING TRUCK
and customized mobile boards,
represents the future of
outdoor mobile AD campaigns.

Mobile Ads, a traveling outdoor
mobile billboard Truck, delivers
your targeted advertising and
promotional out-of-home
campaign to a mass audience
in a cost effective highly visible
street level gorilla type venue.

Mobile billboard trucks deliver a giant
eye-catching billboard message that can travel
to any zip code where it's needed the most.



678-985-0592

ADVERTISING TRUCK

Nova lokacija - novi ambijent - stari frizer

MACI

Men's Hair Cut Salon

**870 New Hope Rd, Suite 100
Lawrenceville, GA 30045**

404-431-3863

Ill Salon 678-367-3616



Radno vrijeme: pon-čet 10am-7:30pm, pet-sub 10am-8pm, ned 12pm-3pm.

su | do | ku

Cilj sudokua je popuniti sva polja brojevima od 1 do 9, tako da svaka uspravna kolona, svaki vodoravni red i svaki 3x3 kvadrat sadrži svaki broj od 1 do 9. To je to - nema matematike, samo logika.

Rješenje ove križaljke ćemo objaviti u sljedećem broju. Ovo je rješenje križaljke iz prošlog broja:

8	5	4	6	7	9	3	2	1
9	7	2	5	1	3	4	6	8
6	1	3	8	2	4	9	5	7
1	8	5	3	4	6	2	7	9
2	3	7	1	9	5	8	4	6
4	6	9	7	8	2	1	3	5
3	2	8	9	6	7	5	1	4
7	4	1	2	5	8	6	9	3
5	9	6	4	3	1	7	8	2

		9		1	3			
		4	9			7		
			7				8	1
		6	8			5		2
	8						4	
5		7			2	3		
7	6				9			
		1			8	2		
			6	3		4		

PRETPLATA

Ako ste zainteresovani da Vaš omiljeni magazin svaki mjesec dobijate na kućnu adresu, popunite kupon za pretplatu sa ove stranice i pošaljite ga na adresu redakcije:
 Europa Magazine (pretplata), P.O. Box 867, Lawrenceville, GA 30046-0867
 E-mail: redakcija@europamagazine.info. Telefon: 678.985.0592.

KUPON ZA PRETPLATU
12 MJESECI - \$48.00

NAČIN PLAĆANJA: [] ČEK ILI MONEY ORDER
 [] VISA ILI MASTER CARD

IME I PREZIME: _____ TELEFON: _____ - _____ - _____

ADRESA: _____

GRAD, DRŽAVA, ZIP: _____

BROJ KREDITNE KARTICE: _____

ISTIČE: ____/____/____ POTPIS: _____

E-mail: redakcija@europamagazine.info • Tel: 678.985.0592
 Europa Magazine (pretplata) • P.O. Box 867 • Lawrenceville, GA 30046-0867

DIK BROWNE HOGAR STRAŠNI



Dođe Mujo kući i pita Fata:

- Fato, gdje su djeca?
- Na engleskom - kaže Fata.

A Mujo reče:

- Ok. Where are the children?

Zašto balerine plešu na prstima???

- Da ne probude publiku!!!!

Kaze Fata svom mužu Muji:

- Mujo, ja sam trudna!
- Ali kako bona, kad sam pazio?

Fata će na to:

- Pa, to ti je kao u saobraćaju, džaba što ti paziš, kad drugi ne paze!

Razgovaraju dvije susjede:

- Nadam se da ćete prodati tog vašeg psa. Moja kćerka jučer nije mogla završiti sat pjevanja jer je vaš pas užasno zavijao!
- Oprostite gospodo, ali vaša kćerka je prva počela!

- Banke kažu da imaju neograničeno povjerenje u svoje klijente. Ali zašto onda vežu olovke na svojim pultovima?!

Vozila se četiri hakera u autu. Najjednom auto se zaustavi i neće da upali.

Na to će jedan od njih:

- A šta mislite da probamo izaći pa ući?

Otišao Mujo u dućan i reče:

- 1kg limuna molim.
- Hoćete li vrećicu?
- Jok, šutaću nogama do kuće!

- Vidio sam da te je uhvatila policija. Šta se desilo?

- Išao sam presporo.
- Čekaj, misliš išao si prebrzo?
- Ne, da sam išao prebrzo, ne bi me uhvatili.

vicevi

Prodaja

Prodajem kuću u Kaknju (Povezice) dva sprata, 3 garaže, vlasništvo 1/1, površina placa 1950m². Tel: +387 32 554 792 ili 972 487 9740. E-mail: zeljko23dallas@yahoo.com

Sarajevo, Bradina 60 duluma zemlje, kuća, ljetnja kuća, dvije garaže, štala, sušara. Tel: 904-962-1693

Povratak kući. Prodajem sve. Tel: 770-905-2115

Sarajevo-Bradina prodajem vikendicu i 5 duluma zemlje, 500m od glavnog puta Sarajevo-Mostar. Tel: 904-997-1722

Prodajem trosoban stan u strogom centru Tuzle (preko puta hotela Bristol). Stan je potpuno renoviran sa ugrađenom klimom. Tel: +387 35 266 236

Prodajem jednosoban 34m² stan u Sarajevu (Marijin dvor) preko puta zgrade Momo i Uzeir. Tel: +387 33 243 554 (Sulejman-Sandy)

Visoko, selo Moštre-Kalotići. Prodajem novu neopremljenu kuću sa okućnicom od 4000 m². Nalazi se izmedju rijeke i ceste. Tel: 1-336-287-3379 ili +387 32 741 585

Prodajem kuću u Visokom sa sedam duluma zemlje uz cestu i rijeku, 1 km od autopetlje Sarajevo-Zenica. Tel: 1-336-993-2762

Prodajem restoransku opremu: roštilj-plin, gril/kebab, espresso aparat, credit card machine with pin pad, sto za bilijar, domaće video kasete i DVD-je. Tel: 770-432-9047

Razno

Izdajem sobu sa kupatilom. Tel: 678-900-0330

Izdajem kuću sa 3 spavaće i 2,5 kupatila, Sugarloaf Pkwy, Lawrenceville za \$900.00. Tel: 1-480-567-6070

Pazila bih starije osobe u Prijedoru, cijena po dogovoru. Tel: +387 52 237 966

Čuvala bih djecu kod svoje kuće. Jasmina. Tel: 678-499-3152

Advertising agency, part time 11am-3pm. Marketing and customer service, salary+bonus. Tel: 678-985-0592

Pazili bi stariju bolesnu osobu u našoj kući u Derventi. Tel: +387 66 836 290

Vršim dubinsko čišćenje namještaja, tepiha, te svih drugih vrsta podova. Povoljno! Tel: 404-488-7226

Pomozimo Enisu Nurkiću za transplataciju bubrega.

Više informacija na www.hayat.ba - traži, ukucati Enis Nurkić. Tel: +387 (61) 641-584 - Enis/BiH (904) 646-2527 ili (904) 874-4817 - Esad Hamzić/USA

MALI OGLASI

Europa magazin Vam nudi besplatne privatne male oglase do 20 riječi.

Popunite kupon sa ove stranice i pošaljite ga na adresu:

Europa Magazine
(mali oglasi)
P.O. Box 867
Lawrenceville, GA 30046

ili na e-mail adresu:
redakcija@europamagazine.info

KUPON ZA BESPLATNE MALE OGLASE DO 20 RIJEČI

Tekst oglasa (popunite čitko štampanim slovima):

Dužina trajanja oglasa (zaokružiti): 1 MJESEC - 2 MJESECA - 3 MJESECA - _____

Europa Magazine (mali oglasi) • P.O. Box 867 • Lawrenceville, GA 30046
E-mail: redakcija@europamagazine.info • Tel: 678.985.0592



Impressum

Europa Magazine

ISSN 1939-3423

Address: P.O. Box 867
Lawrenceville, Georgia 30046-0867
United States of America

Phone: +1 (678) 985 0592

E-mail: editor@europamagazine.info



Web address: www.europamagazine.info

Issued: monthly

Editor-in-chief: Haris Delalić

Senior Photographer and Graphic Design
Manager: Dan Dalibor Spalat

Graphic Design: Aldin Ajanovic, Ali Nkhazi

Internet Presentation: Damir Setkic

Freelance writer from Europe: Milan Pekić

Community: Enes Selimović

Marketing manager: Dino Krgo

TV Hayat se na području SAD-a gleda
putem satelita Intelsat Americas 5.
Ukoliko se želite pridružiti velikoj i
sretnoj porodici Hayatovih gledatelja,
kontaktirajte sa našim zastupnicima
GlobeCastWorldTV



GlobeCast WorldTV info telefon za
narudžbe, pitanja i tehničku podršku:

1-888-988-5288

info globecastwtv.com za informacije

www.globecastwtv.com
www.ntvhayat.com



satelit: Intelsat Americas 5
na 97 stepeni zapadno

frekvencija: 12,053 MHz
polarizacija: vertikalna
symbol rate: 22.000 Msym
FEC: 3/4
kanal: VC 510

EMC CARGO

WWW.EMCCARGO.COM



	\$1.290
AUTOMOBIL	
	\$1.390
SUV/VAN	
	\$690
MOTOR	
	\$790
JET SKI/ATV	
	\$99
PAKET	
	od \$100
NAMJEŠTAJ (po komadu)	

SELIDBE USA-BOSNA

* IZVOZ AUTOMOBILA, MOTORA, JEDRILICA,
ČAMACA, SKUTERA, SLANJE PAKETA

* BOSNA I HERCEGOVINA, HRVATSKA, SLOVENIJA,
SRBIJA, CRNA GORA, KOSOVO I OSTALE EVROPSKE ZEMLJE

Za više informacija na Vašem jeziku obratite se na:

Tel: 678-558-8013